

北

史

二



魏本紀第三

北史三

高祖孝文皇帝諱宏獻文皇帝之太子也母曰李夫人皇興元年八月戊申生於平城紫宮神光照室天地氛氳氣充塞帝絜白有異姿襁褓岐嶷長而弘裕仁孝綽然有又君之表獻文尤愛異之三年六月辛未立為皇太子五年受禪延興元年秋八月景午皇帝即位於太華前殿改皇興五年為延興丁未宋人來聘九月壬戌詔在位及人庶進直言壬午青州高陽人封辨聚黨冒號齊王州軍討平之冬十月丁亥沃野統萬二鎮敕勒叛詔太尉隴西王源賀追擊至枹罕滅之徙其遺迸於莫定相三州為營冬

十二月乙酉封駙馬都尉穆亮爲趙郡王壬辰詔求舜後
獲東萊人媯苟之復其家畢世以彰盛德之不朽復前濮
陽王孔雀本封辛丑徙趙郡王穆亮爲長樂王癸卯日有
蝕之

二年春正月大陽蠻酋桓誕率戶內屬拜征南將軍封襄
陽王曲赦京師及河西南至秦涇西至枹罕北至涼州及
諸鎮詔假負外散騎常侍邢祐使於宋二月丁巳詔曰頃
者淮徐未賓尼父廟隔非所致令祠典寢頓禮章殄滅遂
使女巫妖覘淫進非禮自今有祭孔廟制用酒脯而已不
聽婦女雜合以祈非望之福犯者以違制論其公家有事

自如常禮蠕蠕犯塞太上皇帝次於北郊詔諸將討之悉皆遁走北部敕勒叛奔蠕蠕太上皇帝追至石磧不及而還三月戊辰以散騎常侍駙馬都尉萬安國為大司馬大將軍封安城王庚午親耕藉田連川敕勒謀叛徙配青徐齊兖四州為戶夏四月庚子詔工商雜伎盡聽赴農諸州課入益種菜果辛亥宋人來聘癸酉詔沙門不得去寺行者以公文是月宋明帝殂五月丁巳詔軍警給璽印傳符次給馬印六月安州遭水雹詔丐租振恤景申詔今年貢舉尤為猥濫自今所遣皆可門盡州郡之高才極鄉閭之選戊午行幸陰山秋七月壬寅詔州郡縣各遣二人才堪專

對者赴九月講武當親問風俗八月百濟遣使請兵伐高
麗九月辛巳車駕還宮戊申統萬鎮將河間王閻武皮坐
貪殘賜死己酉詔以州鎮十一水旱丐其田租開倉振恤
又詔流迸之人皆令還本違者徙邊冬十月蠕蠕犯塞及
五原十一月太上皇帝親討之將度漠蠕蠕聞之北走數
千里丁亥封皇叔略爲廣川王壬辰分遣使者巡省風俗
問人疾苦帝每月一朝崇光宮十二月庚戌詔曰頃者以
來官以勞升未久而代牧守無恤人之心競爲聚斂送故
迎新相屬於路非所以固人志隆政道也自今牧守溫良
仁儉克己奉公者可以於其任歲積有成遷位一級其貪

殘非道侵削黎庶者雖在官甫爾必加黜罰著之於令以爲彝準詔以代郡事同豐沛代人先配邊戍者免之是歲高麗地豆干康莫奚高昌等國並遣使朝貢

三年春正月庚辰詔負外散騎常侍崔演使於宋丁亥改崇光宮爲寧光宮二月戊午太上皇帝至自北討飲至策勲告於宗廟甲戌詔縣令能靜一縣劫盜者兼理二縣即食其祿能靜三縣者三年遷爲郡守二千石能靜二郡上至三郡亦如之三年遷爲刺史三月壬午詔諸倉屯穀麥充積者出賜貧人夏四月戊申詔假司空上黨王長孫觀等討吐谷渾拾寅壬子詔以孔子二十八世孫魯郡孔乘

爲崇聖大夫給十戶以供灑掃六月甲子詔曰往年縣召秀才二人問守宰善惡而賞者未幾罪者衆多肆法傷生情所未忍諸爲人所列者特原其罪盡可代之秋七月詔河南六州人戶收絹一匹綿一斤租三十石乙亥行幸陰山八月庚申帝從太上皇帝幸河西拾寅謝罪請降許之九月辛巳車駕還宮乙亥宋人來聘己亥詔曰今京師及天下囚未判在獄致死無近親者給衣衾棺槨葬之不得暴露辛丑詔遣十使循行州郡檢括戶口冬十月太上皇帝將南巡詔州郡之人十丁取一充行戶租五十石以備軍糧十一月戊寅詔以河南州郡牧守多不奉法致新邦

百姓莫能上達遣使者觀風察獄黜陟幽明搜揚振恤癸巳太上皇帝南巡至懷州所過問人疾苦賜高年孝悌力田布帛十二月癸卯朔日有蝕之庚戌詔關外苑囿聽人樵採是歲高麗契丹庫莫奚悉萬斤等國並遣使朝貢州鎮十一水旱丐人田租開倉振恤相州人餓死者二千八百四十五人祆人劉舉自稱天子齊州刺史武昌王平原捕斬之

四年春正月癸酉朔日有蝕之丁丑太尉隴西王源賀以病辭位二月甲辰太上皇帝至自南巡辛未禁寒食三月丁亥詔負外散騎常侍許赤武使於宋夏四月丁卯詔自

今非謀反大逆干紀外奔罪止其身而已秋七月己卯曲赦仇池八月戊申大閱於北郊九月以宋亂故詔將軍元蘭等伐蜀漢冬十月庚子宋人來聘十一月分遣侍臣循河南七州觀察風俗撫慰初附是歲粟特敕勒吐谷渾高麗曹利闍悉契丹庫莫奚地豆干等國並遣使朝貢州鎮十三大飢丐人田租開倉振之

五年春二月癸丑詔定考課明黜陟夏四月詔禁畜鷹鷄開相告之制五月景午詔貢外散騎常侍許赤武使於宋丁未幸武州山辛酉幸車輪山六月庚午禁殺牛馬壬申曲赦京師死罪遣備蠕蠕秋九月癸卯洛州人賈伯奴稱

恒農王豫州人田智度稱上洛王郡討平之冬十月太上
皇帝大閱於北郊十二月景寅改封建昌王長樂為安樂
王己丑城陽王長壽薨庚寅宋人來聘是歲高麗吐谷渾
龜茲契丹庫莫奚地豆干蠕蠕等國並遣使朝貢

承明元年春二月司空東郡王陸定國坐事免官爵為兵
夏五月冀州人宋伏龍聚眾自稱南平王郡縣捕斬之六
月甲子詔中外戒嚴分京師見兵為三等第一軍出遣第
一兵二等亦如之辛未太上皇帝崩壬申大赦改元大司
馬大將軍安城王萬安國坐法賜死戊寅以征西大將軍
安樂王長樂為太尉尚書左僕射南平公自辰為司徒進

封宜都王以南部尚書李訢爲司空尊皇太后爲太皇太后臨朝稱制秋七月甲辰追尊皇妣李貴人爲思皇后濮陽王孔雀有罪賜死八月甲子詔羣公卿士有使人益國者具狀以聞甲戌以長安二蠶多死丐人歲賦之半九月丁亥曲赦京師冬十月丁巳起七寶永安行殿乙丑進假東陽王不爵爲王己未詔羣官卿士下及吏人各聽上書直言極諫勿有所隱諸有益政利人可正風俗者有司以聞辛未幸建明佛寺大宥罪人進濟南公羅扶爲王是歲蠕蠕高麗庫莫奚波斯契丹宕昌悉萬斤等國並遣使朝貢

太和元年春正月乙酉改元辛亥起太和安昌二殿己酉
秦州略陽人王元壽聚衆自號衝天王雲中飢開倉振恤
二月辛未秦益三州刺史武都公尉洛侯討破王元壽三
月庚子以雍州刺史東陽王丕爲司徒景午詔曰去年牛
疫死傷大半今東作旣興人須肄業其敕在所督課田農
有牛者加勤於常歲無牛者倍庸於餘年一夫制田四十
畝中男二十畝無令人有餘力地有遺利夏四月樂安王
良薨詔復前東郡王陸定國官爵五月車駕祈雨於武州
山俄而澍兩大洽秋七月壬辰京兆王子推薨庚子定三
等死刑己酉起朱明思賢門是月宋人殺其主昱八月壬

子大赦景子詔曰工商阜隸各有厥分而有司縱濫或染清流自今內有工役者唯止本部丞已下準次而授若階藉元勳以勞定國者不從此制戊寅宋人來聘九月乙酉詔羣臣定律令於太華殿庚子起永樂遊觀殿於北苑穿神泉池冬十月辛亥朔日有蝕之筮酉宴京邑耆老年七十已上於太華殿賜以衣服詔七十已上一子不從役宋葭蘆戍主楊文度遣弟鼠襲陷仇池十一月丁亥懷州人伊祁苟自稱堯後應王聚衆於重山洛州刺史馮熙討平之閏月庚午詔眞外散騎常侍李長仁使於宋十二月壬寅征西將軍皮喜攻陷葭蘆斬楊文度傳首京師丁未

州郡八水旱蝗人飢詔開倉振恤是歲高麗契丹庫莫奚
蠕蠕車多羅西天竺舍衛壘伏羅栗揚婆真闊等國並遣
使朝貢

二年春正月丁巳封昌黎王馮熙第二子始興爲北平王
二月丁亥行幸代之湯泉所過問人疾苦以宮文賜貧人
無妻者癸卯車駕還宮乙酉晦日有蝕之三月景子以河
南公梁彌機爲宕昌王夏四月己丑宋人來聘京師旱甲
辰祈天災於北苑親自禮焉減膳避正殿景午樹兩大浴
曲赦京師五月詔曰廼者人漸奢尚瘠葬越軌又皇族貴
戚及士庶之家不惟氏族高下與非類婚偶先帝親發明

七身帝紀三
一
詔爲之科禁而百姓習常仍不肅改朕念憲章舊典永爲
定準犯者以違制論六月庚子皇叔若薨秋八月分遣使
者考察守宰問人疾苦景戌詔罷諸州禽獸之貢九月乙
巳朔日有蝕之景辰曲赦京師冬十月壬辰詔員外散騎
常侍鄭義使於宋十二月癸巳誅南郡王季惠是歲龜茲
國獻名駝龍馬珍寶甚衆吐谷渾蠕蠕勿吉等國並遣使
朝貢州鎮二十餘水旱人飢詔開倉振恤

三年春正月癸丑以德六合殿成庚申詔罷行察官二月
辛巳帝太皇太后幸代郡湯泉問人疾苦鰥寡貧者妻以
宮女己亥還宮三月癸卯朔日有蝕之甲辰曲赦京師夏

四月壬申宋人來聘癸未樂良王樂平薨甲午宋順帝禪
位于齊奭子進淮陽公尉元爵為王宜都王目辰有罪賜
死五月丁巳帝祈雨於北苑閉陽門是日澍雨大洽六月
辛未以雍州人飢開倉振恤起文石室靈泉殿於方山秋
七月壬寅詔免宮人年老及病者八月壬申詔羣臣進直
言乙亥幸方山起思遠佛寺丁丑還宮九月壬子以司徒
東陽王丕為太尉趙郡公陳建為司徒進爵魏郡王河南
公苟頹為司空進爵河東王進太原公王叡中山王隴東
公張祐新平王乙未定州刺史安樂王長樂有罪賜死庚
申隴西王源賀薨冬十月己巳朔大赦十一月癸卯賜京

師貧窮高年疾患不能自存衣服布帛各有差癸丑進假
梁郡公元嘉爵為假王督二將出淮陰隴西公元琛三將
出廣陵河東公薛豹子三將出廣固至壽春是歲吐谷渾
高麗蠕蠕地亘千契丹庫莫奚龜茲粟特州逸河龍蠶伏
羅負闊悉萬斤等國各遣使朝貢

四年春正月癸卯乾象六合殿成乙卯廣川王略薨丁巳
罷畜鷹鷄之所以其地為報德佛寺戊午襄城王韓頽有
罪削爵徙邊二月癸巳以旱故詔天下祀山川羣神及能
興雲雨者修飾祠堂薦以牲璧人有疾苦所在存問夏四
月乙卯幸廷尉籍坊二獄引見諸囚詔隨輕重決遣以赴

耕耘甲申賜天下貧人一户之內無雜財穀帛者粟二年
六月丁卯以澍雨大洽曲赦京師秋七月辛亥行幸太山
壬子詔會京師耆老賜錦綵衣服几杖稻米蜜麵復家人
不徭役閏月丁亥幸獸園親錄囚徒輕者皆免之壬辰頓
丘王李鍾葵有罪賜死八月乙酉詔諸州置冰室九月乙
亥思義殿成壬午東明觀成戊子詔曰隆寒雪降可遣侍
臣詣廷尉獄及囚所察飢寒者給以衣食桎梏者代以輕
鎖是歲郡鎮十八水旱人飢詔開倉振恤蠕蠕悉萬斤等
國並遣使朝貢

五年春正月己卯南巡丁亥至中山親見高年問人疾苦

二月辛卯朔大赦賜孝悌力田孤貧不能自存者穀帛各有差免官人之老者還其親丁酉至信都存問如中山癸卯還中山己酉講武于唐水之陽庚戌車駕還宮沙門法秀謀反伏誅假梁郡王嘉大破齊俘獲三萬餘口送京師三月辛酉朔幸肆州癸亥講武于雲水之陽所經考察守宰黜陟之己巳車駕還宮詔曰法秀妖詐亂常妄說符瑞蘭臺御史張求等一百餘人招結奴隸謀爲大逆有司科以族誅誠合刑憲但矜愚重命猶所不忍其五族者降止同祖三族止一門門誅止身夏四月己亥行幸方山建永固石室於山立碑焉銘太皇太后終制于金冊又起鹽玄

殿甲寅以旱故詔所在掩骸骨祈禱神祇任城王雲薨五月庚申以農月時要詔天下勿使有留獄六月甲辰中山王叡薨戊午封皇叔簡為齊郡王猛為安豐王秋七月庚申朔日有蝕之甲子齊人來聘九月庚午閱武於南郊大饗群臣齊使車僧朗以班在宋使殷靈誕後辭不就席宋降人解奉君刀僧朗於會中詔誅奉君等乙亥封昌黎王馮熙世子誕為南平王冬十一月癸巳州鎮十二飢詔開倉振恤是歲鄧至蠕蠕等國並遣使朝貢

六年春正月甲戌大赦二月辛卯詔以靈丘郡土旣褊增又諸州路衝復其人租十五年癸巳白蘭王吐谷渾翼世

以誣罔伏誅乙未詔曰蕭道成逆亂江淮戎旗頻舉七州
之人既有征運之勞深乖輕徃之義其復常調三年癸丑
賜王公已下清勤著稱者穀帛有差三月庚辰幸獸園詔
曰武狼猛暴食肉殘生從今勿復捕貢辛巳幸武州山石
窟寺賜貧者衣服是月齊高帝殂夏四月甲辰賜畿內鰥
寡孤獨不能自存者粟帛各有差秋七月發州郡五萬人
修靈丘道八月癸未朔分遣大使巡行天下遭水之處丐
其租賦貧儉不自存者賜以粟帛庚子罷山澤禁九月辛
酉以氏揚後起爲武都王是歲地且干吐谷渾等國並遣
使朝貢

七年春正月庚申詔曰朕每思知百姓疾苦以增脩寬政
故具問守宰苛虐之狀於州郡使者今秀孝計掾對多不
實甚乖朕虛求之意宜案以大辟明罔上必誅然情猶未
忍可恕罪聽歸申天下使知後犯無恕丁卯詔青齊光
東徐四州戶運倉粟二十萬石送瑕丘琅邪復租竿一年
三月甲戌以冀定一州飢詔郡縣爲粥於路以食之又弛
關津之禁夏四月庚子幸崑山賜所過鰥寡不能自存者
衣服粟帛壬寅車駕還宮閏月癸丑皇子生大赦六月定
州上言爲粥所活九十四萬七千餘口秋七月甲申詔假
真外散騎常侍李彪使於齊改封濟南王羅拔爲趙郡王

九月壬寅詔求讜言異州上言爲粥所活七十五萬一千七百餘口冬十月戊午皇信堂成十一月辛丑齊人來聘十二月乙巳朔日有蝕之癸丑詔曰夏殷不嫌一族之婚周世始絕同姓之娶斯皆教隨時設政因事改者也皇運初基日不暇給古風遺撲未遑釐改自今悉禁絕之有犯者以不道論庚午開林慮山禁與人共之州鎮十二飢詔開倉振恤

八年春正月詔隴西公琛尚書陸叡爲東西二道大使襲善罰惡夏五月己卯詔振賜河南七州戍兵甲申詔募外散騎常侍李彪使於齊六月丁卯詔曰置官班祿行之尚

矣自中原喪亂茲制中絕先朝因循未遑釐改朕顧憲章
舊典始班俸祿罷諸商人以簡人事戶增調三匹穀二斛
九斗以爲官府之祿均預調爲二匹之賦即兼商用雖有
一時之煩終克永逸之益祿行之後賦滿一匹者死變法
改度宜爲更始其大赦天下與之惟新戊辰武州水壞人
居秋八月甲辰詔以班制俸祿更興刑書寬猛未允人或
異議制百辟卿士工商吏人各上便宜勿有所隱九月甲
午齊人來聘戊戌詔俸制十月爲首每季一請於是內外
百官受祿有差冬十一月乙未詔真外散騎常侍李彪使
于齊十二月州鎮十五水旱人飢詔使者開倉振恤是歲

魏史帝紀三
十二
麟螭高覆等國各遣使朝貢

九年春正月戊寅詔禁圖讖祕緯及名孔子閉房記留者
以大辟論又諸巫覡假稱神鬼妄說吉凶及委巷諸非墳
典所載者嚴加禁斷癸未大饗群臣于太華殿班賜皇誥
二月己亥制皇子封王者皇孫皇曾孫紹封者皇女封者
歲祿各有差封廣陽王建第二子嘉為廣陽王乙巳詔百
辟卿士工商吏人各上書極諫靡有所隱三月景申封皇
弟禧為咸陽王幹為河南王羽為廣陵王雍為潁川王勰
為始平王詳為北海王夏五月齊人來聘秋七月景午朔
新作諸門癸未遣使拜宕昌王梁彌機兄子彌承為宕昌

王八月庚申詔曰數州災水飢饉荐臻致有賣鬻男女者
天譴在予一人百姓橫罹艱毒今自太和六年已來買定
奠幽相四州飢人良口者盡還所親雖娣為妻妾遇之非
理情不樂者亦離之冬十月丁未詔使者循行州郡與牧
守均給天下之田還受以生死為斷勸課農桑興富人之
本辛酉司徒魏郡王陳建薨詔負外散騎常侍李彪使於
齊十二月乙卯以侍中淮南王他為司徒是歲京師及州
鎮十三水旱傷稼宕昌高麗吐谷渾等國並遣使朝貢
十年春正月癸亥朔帝始服袞冕朝饗萬國二月甲戌初
立黨里隣三長定人戶籍三月庚戌齊人來聘夏四月辛

酉朔始制五等公服甲子帝初法服御輦祀西郊六月己卯名皇子曰恂大赦秋八月乙亥給尚書五等品爵已上朱衣玉珮大小組綬九月辛卯詔起明堂辟雍冬十月癸酉有司議依故事配始祖於南郊十一月議定州郡縣官依口給俸十二月乙酉汝南潁川飢詔丐人田租開倉振恤是歲蠕蠕高麗吐谷渾勿吉等國並遣使朝貢

十一年春正月丁亥朔詔定樂章非雅者除之二月甲子肆州之鴈門及代郡人飢詔開倉振恤夏五月癸巳南平王渾瑊甲午詔復七廟子孫及外戚總服已上賦役無所與六月辛巳秦州人飢詔開倉振恤秋七月己丑詔今年

穀不登聽人出關就食遣使者造籍分遣去留所在開倉
振恤八月壬申蠕蠕犯塞遣平原王陸叡討之庚辰大議
北伐辛巳罷山北苑以其地賜貧人冬十月辛未詔罷起
部無益之作出宮人不執機杼者甲戌詔曰鄉飲之禮廢
則長幼之序亂孟冬十月人閑歲隙宜於此時導以德義
可下諸州黨里之內推賢而長者教其里人父慈子孝兄
友弟順夫和妻柔不率長教者具以名聞十一月丁未詔
罷尚方錦繡綾羅之工百姓欲造任之無禁其御府衣服
金銀珠玉綾紬錦太官雜器太僕乘具內庫弓矢出其太
半班賚百官及京師人庶下至工商阜隸逮於六鎮戍士

各有差戾申詔令寒氣勁切杖箠難任自今月至來年孟夏不聽拷問罪人又歲飢輕囚宜速決了無令薄罪久留獄犴十二月詔祕書丞李彪著作郎崔光改析國記依紀傳體是歲大飢詔所在開倉振恤吐谷渾高麗悉萬斤等國並遣使朝貢

十二年春正月辛巳朔初建五牛旌旗乙未詔鎮戍流徙之人年滿七十孤單窮獨無成人子孫旁無耆親者具狀以聞二月辛亥朔日有蝕之三月丁亥中散梁衆保等謀反伏誅夏四月甲子大赦己巳齊將陳顯達攻陷灑陽長樂王穆亮率騎討之五月丁酉詔六鎮雲中河西及關內

郡各脩水田通渠溉灌壬寅增置彝器於太廟秋九月甲午詔曰日蝕脩德月蝕脩刑迺者癸巳夜月蝕盡公卿已下宜慎刑罰以答天意丁酉起宣文堂經武殿癸卯淮南王他薨冬閏十月甲子帝親築圓丘于南郊十一月雍豫二州人飢詔開倉振恤梁州刺史臨淮王提坐貪縱配北鎮是歲高麗宕昌吐谷渾勿吉武興等國並遣使朝貢十三年春正月辛亥祀圓丘初備大駕乙丑兗州人王伯恭聚衆勞山自稱齊王東萊鎮將孔伯孫討斬之戊辰齊人寇邊淮南太守王僧雋擊走之二月庚子引羣臣訪政道得失損益之宜三月夏州刺史章武王彬以貪財削封

夏四月丁丑詔曰升樓散物以資百姓至使人馬騰踐多有毀傷今可斷之以本所費之物賜窮老貧獨者州鎮十大飢詔所在開倉振恤五月庚戌祀方澤六月汝陰王天賜南安王禎並坐贓賄免爲庶人秋七月立孔子廟於京師八月乙亥詔兼負外散騎常侍邢產使於齊九月出宮人賜北鎮人貧鰥者冬十一月己未安豐王猛薨十二月景季司空河東王苟頽薨甲午齊人來聘己亥以尚書令尉元爲司徒左僕射穆亮爲司空是歲高麗吐谷渾陰平中赤武興宕昌等國各遣使朝貢

十四年春正月己巳朔日有蝕之三月戊寅初詔定起居

注制詔遣侍臣巡行州郡問人疾苦夏四月地豆干頻犯
塞甲戌征西大將軍陽平王熙擊走之甲午詔兼負外散
騎常侍邢產使於齊五月己酉庫莫奚犯塞安州都將樓
龍兒擊走之沙門司馬御惠自言聖王謀破平原郡禽獲
伏誅秋七月甲辰詔罷都牧雜制八月詔議國之行次九
月癸丑太皇太后馮氏崩詔聽藩鎮曾經內侍者前後奔
赴冬十月戊辰詔將親侍龍輿奉訣陵隧諸常從之具悉
可停之其武衛之官防侍如法癸酉葬文明太皇太后於
永固陵甲戌車駕謁永固陵羣臣固請公除帝不許己卯
車駕謁永固陵庚辰帝居廬引見羣寮於太和殿太尉東

陽王丕等據權制固請帝引古禮往復羣臣乃止京兆王
太興有罪免官削爵詔曰公卿屢依金冊遺旨中代權制
式請過葬即吉朕思遵遠祖終三年之制依禮旣虞卒哭
此月二十一日授服以葛易麻旣以衰服在上公卿不得
獨釋於下故於朕之授服繼從練禮已下復爲節降斟酌
古今以制厥衷且取遺旨速除之一端粗申臣子罔極之
巨痛癸未詔曰朕遠遵古式欲終三年之禮百辟羣臣據
金冊顧命將奪朕心從先朝之制朕仰惟金冊俯自推省
取諸二衷不許衆議以衰服過期終四節之慕又奉遵聖
訓聿脩誥旨不敢暗默自居以曠機政庶不憊遺令之意

羌屨哀慕之情並下州鎮長至三元絕告慶之禮甲申車
駕謁求固陵十一月甲寅詔內外職人先朝班次及諸方
雜客冬至之日盡聽入臨三品已下衰服者至夕復臨其
餘唯旦臨而已其拜哭之節一依別儀丁巳齊人來聘十
二月壬午詔依準立井之式遣使與州郡宣行條制隱戶
漏丁即聽附實若朋附豪勢陵抑孤獨罪有常刑是歲吐
谷渾宕昌武興陰平高麗等國並遣使朝貢

十五年春正月丁巳帝始聽政於皇信東室初分置左右
史官癸亥晦日有蝕之二月己丑齊人來聘三月甲辰車
駕謁求固陵夏四月癸亥帝始進蔬食乙丑謁求固陵自

正月不雨至于癸酉有司奏祈百神詔曰何宜四氣未周
便行禮事唯當考躬責已以待天譴甲戌詔負外散騎常
侍李彪使於齊己卯經始明堂改營太廟五月己亥議改
律令於東明觀折疑獄乙卯抱罕鎮將長孫百年攻吐谷
渾所置洮陽泥和甲戌剋之俘獲三萬餘人詔悉免歸景
辰詔造五輅六月丁未濟陰王儼以貪殘賜死秋七月乙
丑謁永固陵規建壽陵己卯詔議祖宗以道武皇帝爲太
祖乙酉車駕巡省京邑聽訟而還八月壬辰議養老又議
肆類上帝禋于六宗禮帝親臨決詔郡國有時物可以薦
宗廟者貢之戊戌移道壇於桑乾之陰改曰崇虛寺己亥

詔諸州舉秀才先盡才學乙巳親定禘祫禮丁巳議律令
事仍省雜祀九月辛巳齊人來聘冬十月庚寅車駕謁永
固陵是月明堂太廟成十一月丁卯遷七廟神主於新廟
乙亥大定官品戊寅考諸牧守詔假通直散騎常侍李彪
聘於齊景戌初罷小歲賀丁亥詔二千石考上上者假四
品將軍賜乘黃馬一匹上中者五品將軍上下者衣一襲
十二月壬辰遷社於內城之西癸巳班賜刺史已下衣冠
以安定王休爲太傅齊郡王簡爲太保帝爲高麗王璉舉
哀於城東行宮己酉車駕迎春於東郊辛卯詔簡選樂官
是歲吐谷渾悉萬斤高麗鄧至宕昌等國並遣使朝貢

十六年春正月戊午朔朝饗羣臣於太華殿帝始爲王公
與縣而不樂己未宗祀顯祖獻文皇帝於明堂以配上帝
遂升臺以觀雲物降居青陽左个布政事每朔依以爲常
辛酉始以太祖配南郊壬戌詔定行次以水承金甲子詔
罷袒裸乙丑制諸遠屬非太祖子孫及異姓爲王者皆降
爲公公爲侯侯爲伯子男仍舊皆除將軍之號戊辰帝臨
思義殿策問秀孝景子始以孟月祭廟二月戊子帝移御
求樂宮庚寅壞太華殿經始太極殿辛卯罷寒食享壬辰
幸北部曹歷觀諸省巡省京邑聽理冤訟甲午車駕初朝
日子東郊遂以爲常丁酉詔祀唐堯於平陽虞舜於廣籟

夏禹於安邑周文於洛陽丁未改謚宣尼曰文聖尼父告
謚孔廟三月丁卯巡省京邑癸酉省西郊郊天雜事乙亥
車駕初迎氣於南郊自此爲常辛巳以高麗王璉孫雲爲
其國王齊人來聘夏四月丁亥朔頒新律令大赦甲寅幸
皇宗學親問博士經義五月癸未詔羣臣於皇信堂更定
律條流徒限制帝親臨決之秋七月壬戌詔曰自今選舉
每以季月本曹與吏部銓簡甲戌詔兼負外散騎常侍宋
弁使於齊八月庚寅車駕初祀夕月於西郊遂以爲常乙
未詔陽平王頤左僕射陸叡督十二將北討蠕蠕景午宕
昌王梁彌承來朝司徒尉元以老遜位己酉以尉元爲三

老游明報爲五更又養國老庶老將行大射之禮雨不克
成癸丑詔曰國家雖宗文以懷九服修武以寧八荒然於
習武之方猶爲未盡將於馬射之前先行講武之式可敕
有司豫修場埽其列陣之儀五戎之數別俟後敕九月甲
寅朔大序昭穆於明堂祀文明太皇太后於玄堂辛未帝
以文明太皇太后再周忌日哭於陵左絕膳三日哭不輟
聲辛巳武興王楊集始來朝冬十月己亥以太傅安定王
休爲大司馬特進馮誕爲司徒甲辰詔以功臣配饗太廟
庚戌太極殿成饗群臣十一月乙卯依古六寢權制三室
以安昌殿爲內寢皇信堂爲中寢四下爲外寢十二月賜

京邑老人鳩杖齊人來聘是歲高麗鄧至契丹齧吐谷渾等國並遣使朝貢

十七年春正月壬子朔饗百寮於太極殿乙丑詔大賜諸蕃君長車旗衣馬錦綵繒纈多者一千少者三百各以命數爲差詔兼負外散騎常侍邢巒使於齊景子以吐谷渾伏連籌爲其國王庚辰蠲大司馬安定王休太保齊郡王簡朔望之朝二月乙酉詔賜議律令之官各有釜已酉車駕始藉田於都南三月戊辰改作後宮夏四月戊戌立皇后馮氏是月齊直閣將軍蠻酋田益宗率部落內屬五月壬戌宴四廟子孫於宣文堂帝親與之齒行家人禮甲子

帝臨朝堂引見公卿以下決疑政錄因徙丁丑以旱徹膳
襄陽蠻酋雷婆思等率其部內徙居於太和川六月庚辰
朔日有蝕之景戊帝將南伐詔造河橋乙未講武乙巳詔
曰比百秩雖陳事典未叙自八元樹位躬加省覽作職負
令二十一卷事迫戎期未善周悉須待軍迴便論所闕權
可付外施行立皇子恂爲皇太子秋七月癸丑以皇太子
立詔賜人爲父後者爵一級爲公士曾爲吏屬者爵二級
爲上造鰥寡孤獨不能自存者人粟五斛戊午中外戒嚴
是月齊武帝殂八月乙酉三老山陽郡公尉元薨景戌車
駕黷於上帝遂臨尉元喪丁亥帝辭水固陵己丑發京師

南伐步騎三十餘萬太尉不奏請以宮人從詔以臨戎不
語內事不許壬寅車駕至肆州人年七十已上賜爵一級
路見眇跛停駕親問賜衣食復終身戊申幸并州親見高
年問疾苦九月壬子詔兼負外散騎常侍高聰聘於齊丁
巳詔車駕所經傷人秋稼者畝給穀五斛戊辰濟河詔洛
懷并肆所過四州賜高年爵恤鰥寡孤獨各有差孝悌廉
義文武應求者皆以名聞又詔廝養戶不得與庶士婚有
文武之才積勞應進者同庶族例聽之庚午幸洛陽周巡
故宮基跡帝顧謂侍臣曰晉德不修荒毀至此遂詠黍離
詩爲之流涕壬申觀河橋幸太學觀石經景子六軍發軔

丁丑帝戎服執鞭御馬而出羣臣稽顙於馬前請停南伐
帝乃止仍議遷都計冬十月戊寅朔幸金墉城詔徵司空
穆亮與尚書李冲將作大匠董爵經始洛京己卯幸河南
城乙酉幸豫州癸巳次於石濟乙未解嚴設壇於滑臺營
詔京師及諸州從戎者賜爵一級應募者加二級主將加
三級癸卯幸鄴城乙巳詔安定王休率從官迎家口於代
車駕送於漳水上初帝之南伐起宮殿於鄴西十一月癸
亥宮成徙御焉十二月戊寅巡省六軍乙未詔隱恤軍士
死亡疾病務令優給是歲勿吉吐谷渾宕昌陰平契丹庫
莫奚高麗鄒至等國並遣使朝貢

十八年春正月丁未朔朝羣臣於鄴宮澄鸞殿癸亥南巡
詔相充豫三州賜高年爵恤鰥寡孤老各有差孝悌廉義
文武應求者皆以名聞戊辰經穀比干墓祭以太牢乙亥
幸洛陽西宮二月己丑行幸河陰規建方澤之所景申徙
封河南王幹爲趙郡王潁川王雍爲高陽王壬寅北巡癸
卯齊人來聘甲辰詔喻天下以遷都意閏月癸亥次勾注
陘南皇太子朝于蒲地主申至平城宮癸酉臨朝堂部分
遷留甲戌謁永固陵三月庚辰罷西郊祭壬辰帝臨太
極殿喻在代羣臣遷移之略夏五月甲戌朔日有蝕之乙
亥詔罷五月五日七月七日饗六月己巳詔兼負外散騎

常侍盧昶使於齊秋七月乙亥以宋王劉昶爲大將軍壬辰北巡戊戌謁金陵辛丑幸朔州是月齊蕭鸞爲殺其主昭業八月癸亥皇太子朝於行宮甲辰行幸陰山觀雲川丁未幸閼武臺臨觀講武因幸懷朔武川撫冥柔玄等四鎮乙丑南還所過皆親見高年問人疾苦貧窘孤老者賜以粟帛景寅詔六鎮及禦夷城人年老孤貧廢疾者賜粟宥罪各有差戊辰車駕次旋鴻池庚午謁求固陵辛未還平城宮九月壬申朔詔曰三載考績自古通經三考黜陟以彰能否朕今三載一考考即黜陟欲令愚滯無妨於賢者才能不擁於下位各令當曹考其優劣爲三等六品已下

尚書重問五品已上朕將親與公卿論其善惡上上者遷
之下下者黜之中中者守其本任壬午帝臨朝堂親加黜
陟壬辰陰平王陽旻來朝冬十月甲辰以太尉東陽王丕
爲太傅戊申親告太廟奉迎神主辛亥車駕發平城宮壬
戌次於中山之唐湖乙丑分遣侍臣巡問疾苦己巳幸信
都庚午詔曰比聞緣邊之蠻多有竊掠致有父子乖離室
家分絕可詔荆郢東荆三州勸諸蠻人勿有侵暴是月齊
蕭鸞殺其主昭文而自立十一月辛未朔詔冀定二州賜
高年爵恤鰥寡孤老各有老孝義廉貞文武應求者具以
名聞丁丑幸鄴甲申經比干墓親爲吊文樹碑刊之己丑

車駕至洛陽十二月辛丑朔分命諸將南征壬寅革衣服
之制癸卯詔中外戒嚴戊申復代遷戶租賦三歲己酉詔
王公伯子男開國食邑者王食半公三分食一侯伯四分
食一子男五分食一辛亥車駕南伐丁卯詔郢豫二州賜
高年爵恤孤寡鰥老各有若緣路之丁復田租一歲孝悌
廉貞文武應求者具以名聞戊辰車駕至懸瓠己巳詔壽
陽鍾離馬頭之師所獲男女口皆放還南是歲高麗國遣
使朝貢

十九年春正月辛未朔朝饗群臣於懸瓠癸酉詔禁淮北
人不得侵掠犯者以大辟論壬午講武於汝水西大賚六

軍平南將軍王肅左將軍元麗並大破齊軍己亥車駕濟
淮二月甲辰幸八公山路中雨甚詔去蓋見軍士病者親
隱恤之戊申車駕巡淮南東人皆安堵租運屬路景辰幸
鍾離戊午軍士禽齊人三千帝曰在君爲君其人何罪於
是免歸辛酉發鍾離將臨江水司徒馮誕薨壬戌詔班師
丁卯遣使臨江數齊主罪惡三月戊子太師馮熙薨夏四
月丁未曲赦徐豫二州其運轉之士復租三年辛亥詔賜
高年爵恤孤寡老疾各有老德著立園者具以名聞齊人
降者給復十五年癸丑幸小沛使以太牢祭漢高祖廟己
未幸瑕丘使以太牢祠岱嶽詔宿衛武官增位一級庚申

幸魯城親祠孔子廟辛酉詔拜孔氏四人顏氏二人為官
 詔兖州刺史舉部內士人堪軍國及守宰政績者具以名
 聞詔賜兖州人爵及粟帛如徐州又詔選諸孔宗子一人
 封崇聖侯邑一百戶以奉孔子祀命兖州為孔子起園栢
 修飾墳隴更建碑銘褒揚聖德戊辰行幸碣磬太和廟成
 五月己巳城陽王鸞赭陽失利降為定襄縣王廣川王諧
 薨庚午遷文成皇后馮氏神主於太和廟甲戌行幸滑臺
 景子次于石濟庚辰皇太子朝於平桃城癸未車駕至自
 南伐甲申減閑官祿以裨軍國之用乙酉行飲至禮班賜
 各有著甲午皇太子冠於廟六月己亥詔不得以北俗之

語言於朝廷違者免所居官辛丑詔復軍士從駕渡淮者
租賦三年癸卯詔皇太子赴平城宮壬子詔濟州東郡滎
陽及河南諸縣車駕所經者賜高年爵恤孤寡老疾各有
差孝悌廉義文武應求者具以名聞癸丑求天下遺書祕
閣所無有裨時用者加以厚賞乙卯曲赦梁州復人田租
三歲景辰詔遷洛人死葬河南不得還北於是代人南遷
者悉爲河南洛陽人戊午詔改長赤大斛依周禮制度班
之天下秋八月幸西宮路見壞塚露棺駐輦埋之乙巳詔
選天下勇士十五萬人爲羽林武賁以充宿衛丁巳詔諸
從兵從征被傷者皆聽還本金墉宮成甲子引群臣歷宴

殿堂九月六宮及文武盡遷洛陽景戌行幸鄴丁亥詔諸
墓舊銘記見存昭然為時人所知者三公及位從公者去
墓三十步尚書令僕九列十五步黃門五校十步各不聽
墾殖壬辰遣黃門郎以太牢祭比干墓乙未車駕還宮冬
十月甲辰曲赦相州賜高年爵恤孤老痼疾各有差景辰
車駕至自鄴辛酉詔州郡舉士壬戌詔諸州牧考屬官為
三等之科以聞將加親覽以定升降詔徐兖光南青荆洛
六州嚴纂戎備應須赴集十一月行幸委粟山議定圓立
甲申祀圓丘景戌大赦十二月乙未朔引見群臣光極堂
宣下品令為大選之始辛酉以咸陽王禧為長兼太尉復

前安南王禎本爵甲子引見群臣光極堂班賜冠服是歲高麗鄧至吐谷渾等國各遣使朝貢

二十年春正月丁卯詔改姓元氏壬辰封始平王勰爲彭城王復封定襄王爲城陽王二月辛丑幸華林聽訟於都亭壬寅詔自非金革皆聽終三年喪景午詔畿內七十已上暮春赴京師將行養老禮庚戌幸華林聽訟於都亭癸丑詔介山之邑聽爲寒食自餘禁斷三月景寅宴群臣及國老庶老於華林園詔國老黃耆以上假中散大夫郡守耆年以上假給事中縣令庶老直假郡縣各賜鳩杖衣裳丁丑詔諸州中正各舉其鄉人望年五十已上守素衡

門者授以令長夏五月景子詔敦勸農功令畿內嚴加課
督墮業者申以楚撻力田者具以名聞景戌初營方澤於
河陰遣使以太牢祭漢光武及明章三帝陵又詔漢魏晉
諸帝陵各禁方百步不得樵蘇踐藉丁亥祀方澤秋七月
廢皇后馮氏戊寅帝以久旱咸秩群神自癸未不食至于
乙酉是夜澍雨大洽八月壬辰朔幸華林園親錄囚徒咸
降本罪二等決遣之丁巳南安王禎薨幸華林園聽訟九
月戊辰車駕闕武于小平津癸酉還宮丁亥將通洛水入
穀帝親臨觀庚寅晦日有蝕之冬十月戊戌以代遷之士
皆爲羽林武賁司州之人十二夫調一吏爲四年更卒歲

開蕃假以供公私力役己酉曲赦京師十一月乙酉復封
前汝陰王天賜孫景和爲汝陰王前京兆王太興爲西河
王十二月甲子以西北州郡旱儉遣侍臣巡察開倉振恤
乙丑開鹽池禁景寅廢皇太子恂爲庶人戊辰置常平倉
樂陵王思譽知恒州刺史穆泰謀反不告削爵爲庶人

二十一年春正月景申立皇子恪爲皇太子賜天下爲父
後者爵一級己亥遣侍臣巡方省察問人疾苦黜陟守宰
乙巳北巡二月壬戌次於太原親見高年問所不便乙丑
詔并州士人年六十以上假以郡守先是定州人王金鈞
訛言自稱應王景寅州郡捕斬之癸酉車駕至平城甲戌

謁永固陵乙未南巡甲寅詔汾州賜高年爵各有差景辰
次平陽使以太牢祭唐堯夏四月庚申幸龍門使以太牢
祭夏禹癸亥幸蒲坂使以太牢祭虞舜修堯舜夏禹廟辛
未幸長安壬申武興王楊集始來朝乙亥親見高年問所
疾苦景子遣侍臣分省縣邑振賜穀帛戊寅辛未央殿阿
房宮遂幸昆明池癸未宋王劉昶薨景戌使以太牢祀漢
帝諸陵五月丁亥朔衛大國遣使朝貢己丑車駕東旋汎
渭入河庚寅詔雍州士人百年以上假華郡太守九十以
上假荒郡八十以上假華縣七十以上假荒縣庶老以年
各減一等七十已上賜爵三級其管舩夫賜爵一級孤寡

鰥貧各賜穀帛其孝友德義文武才幹悉仰貢舉壬辰使以太牢祭周文王於鄆祭周武王於鎬癸卯遣使祭華岳六月庚申車駕至自長安壬戌詔冀定瀛相濟五州發卒士二十萬將以南討癸亥司空穆亮遜位秋七月甲午立昭儀馮氏爲皇后甲寅帝親爲群臣講喪服於清徽堂八月景辰詔中外戒嚴壬戌立皇子愉爲京兆王懌爲清河王懷爲廣平王戊辰講武於華林園庚辰車駕南討九月景申詔司州洛陽人年七十以上無子孫六十以上無眷親貧不自存者給以衣食及不滿六十而有廢痼之疾無大功親窮困無以自療者皆於別坊遣醫救護給太醫師

四人豫請藥物療之辛丑帝留諸將攻赭陽引師南討丁未車駕發南陽留太尉咸陽王禧前將軍元英攻之己酉車駕至新野冬十月丁巳四面進攻不尅詔左右軍築長圍以守之乙亥遣廢貞皇后林氏爲庶人十一月丁酉大破齊軍於沔北於是人皆復業九十以上假以郡守六十以上假以縣令十二月丁卯詔流徙之囚皆勿決遣登城之際令其先鋒自効庚午車駕臨沔遂東還戊寅還新野己卯親行營壘恤六軍以齊郡王子琛紹河間王若後高昌國遣使朝貢

二十二年春正月癸未朔饗群臣於新野行宮丁亥拔新

野斬其太守刘忠於死庚午至自新野辛未詔以穰人首
歸大順始終若一者給復三十年標其所居曰歸義鄉次
降者給復十五年三月壬午朔大破齊將崔慧景蕭衍軍
於鄧城庚寅行幸樊城觀兵襄陽耀武而還曲赦二荆魯
陽辛亥行幸懸瓠夏四月趙郡王幹薨秋七月壬午詔后
之私府損半六宮嬪御五服男女恒恤恒供亦令減半在
戎之親三分省一以供賞是月齊明帝殂八月辛亥皇太
子自京師來朝壬戌高麗國遣使朝貢九月己亥帝以礼
不伐喪詔反旆景牛車駕發懸瓠冬十月己酉朔曲赦二
豫州殊死已下復人田租一歲十一月辛巳幸鄴

二十三年春正月戊寅朔朝饗群臣於鄴先是帝不豫至
是有瘳庚辰羣臣上壽大饗於澄瀉殿壬午幸西門豹祠
遂歷漳水而還戊戌東駕至自鄴癸卯行飲至策勲之礼
甲辰大赦太保齊郡王簡薨二月辛亥以長兼太尉咸陽
王禧為大尉癸亥以中軍大將軍彭城王勰為司徒復樂
陵王思譽本封癸酉齊將陳顥達攻陷馬圈戊三月庚辰
車駕南伐癸未次梁城景帝不豫丁酉車駕至馬圈戊
戌頗戰破之己亥收其戎資億計諸將追奔漢水斬獲及
赴水死者十八九庚子帝疾甚車駕北次穀塘原甲辰詔
賜皇后馮氏死詔司徒勰徵太子於魯陽踐阼以北海王

詳爲司空王肅爲尚書令廣陽王嘉爲左僕射尚書臬弁
爲吏部尚書與太尉咸陽王禧右僕射任城王澄等六人
輔政夏四月景午朔帝崩于穀塘原之行宮時年三十三
祕諱至魯陽發喪還京師上謚曰孝文皇帝廟曰高祖五
月景申葬長陵帝幼有至性年四歲時獻文患雍帝親自
吮膿五歲受禪悲泣不自勝獻文問其故對曰代親之感
內切於心獻文其歎異之文明太后以帝聰聖後或不利
馮氏將謀廢帝乃於寒月單衣閉室絕食三朝召咸陽王
禧將立之元丕穆泰李冲固諫乃止帝初不有憾唯深德
丕等撫念諸弟始終曾無纖介惇睦九族禮敬俱深雖於

大臣持法不縱然性寬慈進食者曾以熱羹覆帝手又曾
於食中得蟲穢物並笑而怒之宦者先有譖帝於太后太
后杖帝數十帝默受不自申明太后崩後亦不以介意聽
覽政事從善如流哀矜百姓恒思所以濟益天地五郊宗
廟二分之礼常必躬親不以寒暑為倦尚書奏案多自尋
省百官大小無不留心務於周洽每言凡為人君患於不
均不能推誠遇物苟能均誠胡越之人亦可親如兄弟常
從容謂史官曰直書時事無諱國惡人君威福自己史復
不書將何所懼南北征巡有司奏請修道帝曰粗修橋梁
通輿馬便止不須去草剗令平也凡所修造不得已而為

之不爲不急之事重損人力巡幸淮南如在內地軍事須
伐人樹者必留絹以酬其直人苗稼無所傷踐諸有禁忌
穰厭之方非典籍所載者一皆除罷雅好讀書手不釋卷
五經之義覽之便講學不師受探其精奧史傳百家無不
該涉善談莊老尤精釋義才藻富贍好爲文章詩賦銘頌
在興而作有大文筆馬上口授及其成也不改一字自太
和十年已後詔冊皆帝文也自餘文章百有餘篇愛竒好
士情如飢渴待納朝賢隨才輕重常寄以布素之意悠然
玄邁不以世務嬰心又少善射有督力年十餘能以指彈
碎羊膊骨射禽獸莫不隨行所至而斃之至十五便不復

殺生射獵之事悉止性儉素常服澣濯之衣糞勒鐵木而已帝之雅志皆此類也

論曰有魏始基代朔廓平南夏關土經世咸以威武爲業文教之事所未遑也孝文纂承洪緒早著睿聖之風時以文明攝事優游恭己玄覽獨得著自不言神契所擿固以符於冥化及躬揔大政一日萬幾十許年間曾不暇給殊塗同歸百慮一致夫生靈所難行人倫之高迹雖尊君黃屋盡蹈之矣若乃欽明稽古協御天人帝王制作朝野軌度斟酌用舍煥乎其有文章海內黔黎感受耳目之賜加以雄才大畧愛竒好士視下如傷役已利物亦無得而稱

之其經緯天地豈虛謚也

魏本紀第三

方洽周益 周巳干 孫粹然 校正

魏本紀第四

北史四

世宗宣武皇帝諱恪孝文皇帝第二子也母曰高夫人初
夢為日所逐避於牀下日化為龍繞已數匝寤而驚悸遂
有娠太和七年閏四月生帝於平城宮二十一年正月景
申立為皇太子二十三年四月景午孝文帝崩丁巳太子
即皇帝位諒闇委政宰輔五月高麗國遣使朝貢六月乙
卯分遣侍臣巡行州郡問人疾苦考察守令黜陟幽明褒
禮名賢戊辰追尊皇妣曰文昭皇后秋八月戊申遵遺詔
孝文皇帝三夫人已下悉免歸家癸丑增官宦位一級冬
十月癸未鄧至國王象舒彭來朝景戌謁長陵丁酉享太

五帝紀四
廟十一月幽州人王惠定聚衆反自稱明法皇帝刺史李肅捕斬之是歲州鎮十八水饑分遣使者開倉振恤

景明元年春正月辛丑朔日有蝕之王寅謁長陵乙巳大赦改元丁未齊豫州刺史裴叔業以壽春內屬二月戊戌復以彭城王勰爲司徒齊將胡松李君士軍屯宛陳伯之水軍逼壽春夏四月景申司徒彭城王勰車騎將軍王肅大破之己亥皇弟悅薨五月甲寅北鎮饑遣兼侍中楊播巡撫振恤六月景字以司徒彭城王勰爲大司馬秋七月己亥朔日有蝕之齊將陳伯之寇淮南八月乙酉彭城王勰破伯之於肥口九月齊州人柳世明聚衆反冬十月丁

卯朔謁長陵庚寅齊充二州討世明平之丁亥改授彭城
王勰司徒錄尚書事十一月丁巳陽平王頤薨是歲州鎮
十七大饑分遣使者開倉振恤高麗吐谷渾等國並遣使
朝貢

二年春正月景申朔謁長陵庚戌帝始親政遵遺詔聽司
徒彭城王勰以老歸第進太尉咸陽王禧位太保以司空
北海王詳爲大將軍錄尚書事丁巳引見羣臣於太極前
殿告以覽政之意壬戌以太保咸陽王禧領太尉以大將
軍廣陵王羽爲司空分遣大使黜陟幽明二月庚午進宿
衛之官位一級甲戌大赦三月乙卯朔詔以比年連有軍

旅正調之外皆蠲罷壬戌青齊徐兗四州大饑人死者萬
餘口是月齊雍州刺史蕭衍奉其南康王寶融為主東赴
建鄴夏五月壬子廣陵王羽薨壬戌太保咸陽王禧謀反
賜死六月丁亥考諸州刺史加以黜陟秋七月癸巳朔日
有蝕之乙巳蠕蠕犯塞辛酉大赦九月丁酉發畿內夫五
萬五千人築京師三百二十坊四旬罷己亥立皇后于氏
乙卯免壽春營戶竝隸揚州冬十一月景申以驃騎大將
軍穆亮爲司空丁酉以大將軍北海王詳爲太傅領司徒
壬寅改築圓立於伊水之陽乙卯仍有事焉十二月齊直
後張齊殺其主蕭寶卷以降蕭衍是歲高麗吐谷渾等國

竝遣使朝貢

三年春二月戊寅以旱故詔州郡掩骸骨三月齊建安王寶夤來奔夏四月詔撫軍將軍李崇討魯陽反蠻齊主蕭寶融遜位於梁閏四月丁巳司空穆亮薨秋七月丁巳朔日有蝕之八月丁卯以前太傅平陽公元丕爲三老九月丁巳行幸鄴丁卯詔使者弔比干墓戊寅閱武於鄴南冬十月庚子帝躬御弧矢射遠及一里五十步羣臣勒銘於射所甲辰車駕還宮十一月壬寅以太極前殿初成饗羣臣賜布帛有差是歲河州大饑死者二千餘口西域二十七國竝遣使朝貢

四年春正月乙亥親耕籍田三月己巳皇后先蠶於北郊
四月癸未朔以蕭寶夤爲東揚州刺史封丹楊郡公齊王
庚寅南天竺國獻辟支佛牙戊戌爲旱故命鞠寃獄己亥
減膳徹懸辛丑澍雨大洽五月甲戌行梁州事楊椿大破
反氐六月壬午朔封皇弟悅爲汝南王秋七月乙卯二老
平陽公元丕薨庚午詔復收鹽池利辛未以彭城王勰爲
太師八月勿吉國貢楛矢冬十一月己未封武興國世子
楊紹先爲武興王

正始元年春正月景寅大赦改元夏五月丁未朔太傅北
海王詳以罪廢爲庶人六月以旱故徹樂減膳癸巳詔有

司脩案舊典祗行六事甲午帝以旱故親薦享於太廟戊戌詔立周旦夷齊廟於首陽山庚子以旱故公卿以下引咎責躬文錄京師見囚殊死以下皆減一等鞭杖之坐悉原之秋七月景子假鎮南將軍李崇大破諸蠻八月景子假鎮南將軍元英破梁將馬仙琕於義陽詔洛陽令有大事聽面敷奏乙酉元英攻拔義陽辛卯英又大破梁軍仍清三關丁酉封英爲中山王九月詔諸州蠲停徭役不得橫有徵發蠕蠕犯塞詔左僕射源懷討之冬十月乙未詔斷羣臣白木募吏十一月戊午詔有司依漢魏舊章營繕國學十二月景子以苑牧公田分賜代遷戶己卯詔羣臣

議定律令閏月癸卯朔行梁州事夏侯道遷據漢中來降
乙丑以高陽王雍爲司空是歲高麗遣使來朝貢

二年春正月景子封宕昌世子梁彌博爲宕昌王二月梁
州氐蜀反絕漢中運路州刺史邢巒頻大破之夏四月己
未城陽王鸞薨乙丑詔曰中正所銓但爲門第吏部彝倫
仍不才舉八坐可審議往代擢賢之體必令才學並申資
望兼致邢巒遣統軍王足西伐頻破梁諸軍遂入劔閣秋
七月戊子王足擊破梁軍因逼涪城八月壬寅詔中山王
英南討襄沔冬十一月戊辰朔武興王楊紹先叔父集起
謀反詔光祿大夫楊椿討之王足圍涪城益州諸郡咸降

者十二三送編籍者五萬餘戶既而足引軍退是歲鄧至國遣使朝貢

三年春正月丁卯朔皇子昌生大赦壬申梁秦二州刺史邢巒連破氐賊剋武興秦州人王智等聚眾自號王公尋推秦州主簿呂苟兒爲主年號建明己卯楊集起兄弟相率降二月景辰詔求讜言戊午詔右衛將軍元麗等討呂苟兒三月己巳以戎旅興詔停諸作己卯樂良王長命坐殺人賜死庚寅平南將軍曲江縣公陳伯之自梁城南奔夏四月丁未詔罷鹽池禁五月景寅詔以時澤未降春稼已旱或有孤老餒疾無人贍救因以致死暴露溝塹者令

洛陽部尉依法棺埋秋七月庚辰元麗大破秦賊降呂苟
兒及其王公三十餘人秦涇二州平戊子中山王英大破
梁徐州刺史王伯敷於陰陵己丑詔發定異灑相并肆六
州卒十萬以濟南軍八月壬寅安東將軍刑巒破梁將桓
和於孤山諸將所在剋捷兗州平壬戌曲赦涇秦歧涼河
五州九月癸酉刑巒大破梁軍於淮南遂攻鍾離冬十一
月甲子帝爲京兆王愉清河王懌廣平王懷汝南王悅講
孝經於式乾殿是歲高麗蠕蠕國遣使朝貢

四年夏四月戊戌鍾離大水中山王英敗績而還六月己
丑朔詔有司準前式置國子立太學樹小學於四門秋八

月己亥中山王英齊王蕭寶夤坐鍾離敗除名辛丑敦煌
人饑詔開倉振恤九月己未詔以徙正宮極庸績未酬以
司空高陽王雍爲太尉尚書令廣陽王嘉爲司空百官悉
進位一級庚申夏州長史曹明謀反伏誅甲子開斜谷舊
道景戌司州人饑詔開倉振恤閏月甲午禁大司馬門不
得車馬出入冬十月丁卯皇后于氏崩自碣石至於劔閣
東西七千里置二十二郡尉是歲西域東夷四十餘國並
遣使朝貢

永平元年春二月戊子皇子昌薨景午以去年旱儉遣使
者所在振恤夏五月辛卯帝以旱故減膳徹懸六月壬申

詔依洛陽舊圖脩聽訟觀秋七月甲午立夫人高氏爲皇
后八月壬子朔日有蝕之癸亥冀州刺史京兆王愉據州
反丁卯大赦改元九月景戎復前中山王英本封戎殺
太師彭城王勰癸卯假鎮北將軍李平剋信都冀州平冬
十月豫州彭城人白早生殺刺史司馬悅據城南叛十二
月己未尚書邢巒剋縣瓠斬早生禽梁將齊苟兒等是歲
北狄東夷西域十八國並遣使朝貢高昌國王麴嘉表求
內徙

二年春正月涇州沙門劉慧汪聚衆反詔華州刺史奚康
生討之夏四月己酉武川鎮饑詔開倉振恤甲子詔緣邊

州鎮自今一不聽寇盜境外犯者罪同境內五月辛丑帝
以旱故減膳徹懸禁斷屠殺甲辰幸華林都亭錄囚徒死
罪以下降一等六月辛亥詔曰江海方向車書宜一諸州
軌轍南北不等今可申敕四方遠近無二秋八月景午朔
日有蝕之戊申以鄧至國世子像覽蹄爲其國王九月辛
巳封故北海王子顥爲北海王壬午詔定諸門闥名冬十
月癸丑以司空廣陽王嘉爲司徒庚午郢州獻七寶林詔
不納冬十月甲申詔禁屠殺含孕以爲永制己丑帝於式
乾殿爲諸僧朝臣講維摩詰經十二月詔五等諸侯其同
姓者出身公正六下侯從六上伯從六下子正七上男正

七下異族出身公從七上侯從七下伯正八上子正八下
男從八上清脩出身公從八下侯正九上伯正九下子從
九上男從九下是歲西域東夷二十四國竝遣使朝貢

三年春二月壬子秦州沙門劉光秀謀反州郡捕斬之癸
亥秦州隴西羌殺鎮將趙雋反州軍討平之三月景戌皇
子詡生大赦夏四月平陽郡之禽昌襄陵二縣大疫自正
月至此月死者二千七百三十人五月丁亥翼定二州旱
儉詔開倉振恤六月甲寅詔重求遺書於天下冬十月辛
卯中山王英薨景申詔太常立館使京畿內外疾病之徒
咸令居處嚴敕醫署分師救療考其能否而行賞罰又令

有司集諸醫工惟簡精要取三十卷以班九服十二月辛巳江陽王繼坐事除名甲申詔於青州立孝文皇帝廟殿中侍御史王敞謀反伏誅是歲西域東夷北狄十六國並遣使朝貢

四年春正月丁巳汾州劉龍駒聚衆反詔諫議大夫薛和討之二月壬午青齊徐兗四州人饑甚遣使振恤三月壬戌司徒廣陽王嘉薨夏四月梁遣其鎮北將軍張穆及馬仙理寇朐山詔徐州刺史盧昶率衆赴之五月己亥遷代京銅龍置天泉池西景辰詔禁天文學冬十一月朐山城陷盧昶大敗而還十二月壬戌朔日有蝕之是歲西域東

夷北狄二十九國竝遣使朝貢

延昌元年春正月乙巳以頻年水旱百姓饑弊分遣使者開倉振恤景辰以尚書令高肇爲司徒清河王懌爲司空三月甲午州郡十一大水詔開倉振恤以京師穀貴出倉粟八十萬石以振恤貧者己未安樂王詮薨夏四月詔以旱故斷食粟之畜丁卯詔曰遷京嵩縣年將二紀博士端然虛祿靖言念之有兼愧慨可嚴敕有司國子學孟冬使成太學四門明年暮春令就戊辰以旱故詔尚書與羣司鞠理獄訟辛未詔饑人就穀六鎮丁丑帝以旱故減膳徹懸癸未詔曰肆州地震陷裂死傷甚多亡者不可復追生

病宜加療救可遣太醫折傷醫并給所須藥就療乙酉大赦改元詔立理訴殿申訟軍以盡冤窮之理五月景午詔天下有粟之家供年之外悉貸饑人自二月不雨至於是月己未晦日有蝕之六月壬申澍雨大洽戊寅通河南北馬之禁庚辰詔出太倉粟五十萬石以振京師及州郡饑人冬十月乙亥立皇子誦為皇太子十一月景申詔以東宮建賜天下為父後者爵一級孝子順孫廉夫節婦旌表門閭量給粟帛十二月己巳詔守宰為御史彈赦免者及考在中第皆代之是歲西域東夷十國並遣使朝貢二年春正月戊戌帝御申訟軍親理冤訟二月景辰朔振

恤京師貧人甲戌以六鎮大饑開倉拯贍己卯進太尉高
陽王雍位太保閏月辛丑以苑牧地賜代遷人無田者是
春人饑死者數萬己亥四月庚子以絹十五萬疋振河南
郡人五月甲寅朔日有蝕之是月壽春大水遣平東將軍
奚康生等步騎數千赴之六月乙酉青州人饑詔使者開
倉振恤甲午曲赦揚州辛亥帝御申訟車親理寃訟是夏
十三郡大水秋八月辛卯詔以水旱饑儉百姓多陷罪辜
降死以下刑九月景辰以貴族豪門崇習奢侈詔尚書嚴
立限級節其流宥冬十月詔以恒肆地震人多死傷重丐
一年租賦十二月景戌丐洛陽河陰二縣租賦乙巳詔以

恒肆地震人多離災其有課丁沒盡老幼單立家無受復者各賜廩粟以接來稔是歲東夷西域十餘國並遣使朝貢

三年春二月乙未詔曰肆州秀容郡敷城縣鴈門郡原平縣並自去年四月以來山鳴地震于今不已告譴彰於朕甚懼焉可恤瘼寬刑以答災譴夏四月青州人饑辛巳開倉振恤乙巳上御申訟軍親理免訟秋八月甲申帝臨朝堂考百司而加黜陟及十一月辛亥詔司徒高肇為大將軍平蜀大都督步騎十五萬西伐益州丁巳幽州沙門劉僧紹聚眾反自號淨居國明法王州郡捕斬之十二月庚

寅詔立明堂是歲東夷西域八國並遣使朝貢

四年春正月甲寅帝不豫丁巳崩于武乾殿時年三十三
二月甲戌朔上尊謚曰宣武皇帝廟號世宗申午葬景陵
帝幼有大度喜怒不形於色雅性儉素初孝文欲觀諸子
志尚大陳寶物任其所取京兆王愉等皆競取珍玩帝唯
取骨如意而已孝文大奇之及庶人恂失德孝文謂彭城
王勰曰吾固疑此兒有非常志相今果然矣乃見立為儲
貳雅愛經史尤長釋氏之義每至講論連夜忘疲善風儀
美容貌臨朝深嘿端嚴若神有人君之量矣

肅宗孝明皇帝諱詡宣武皇帝之第二子也母曰胡充華

永平三年三月景戌生於宣光殿之東北有光照於庭中
延昌元年十月乙亥立爲皇太子四年正月丁巳宣武帝
崩是夜太子即皇帝位戊午大赦己未徵下西討東防諸
軍庚申詔太保高陽王雍入居西栢堂決庶政以任城王
澄爲尚書令百官摠已以聽二王二月庚辰尊皇后高氏
爲皇太后辛巳司徒高肇至京師以罪賜死癸未進太保
高陽王雍位太傅領太尉以司空清河王懌爲司徒以驃
騎大將軍廣平王懷爲司空乙亥尊胡充華爲皇太妃三
月甲辰朔皇太后出俗爲尼徙御金墉城景辰詔進宮臣
位一級乙丑進文武羣官位一級夏六月沙門法慶聚衆

反於冀州殺阜城令自稱大乘秋八月乙亥領軍于忠矯
詔殺左僕射郭祚尚書裴植免太傅高陽王雍官以王還
第景子尊皇太妃為皇太后戊子帝朝太后於宣光殿大
赦己丑進司徒清河王懌為太傅領太尉以司空廣平王
懷為太保領司徒任城王澄為司空庚寅以車騎大將軍
于忠為尚書令特進崔光為車騎大將軍並儀同三司壬
辰復江陽王繼本國復濟南王彧先封為臨淮王羣臣奏
請皇太后臨朝稱制九月乙巳皇太后親覽萬機甲寅征
西大將軍元遙破斬法慶傳首京師安定王燮薨冬十二
月辛丑以高陽王雍為太師己酉鎮南將軍崔亮破梁將

趙祖悅軍遂圍碓石丁卯帝皇太后謁景陵是歲東夷西域北狄十八國竝遣使朝貢

熙平元年春正月戊辰朔大赦改元荆沔都督元志大破梁軍以吏部尚書李平爲行臺節度討碓石諸軍二月乙巳鎮東將軍蕭寶夤大破梁將於淮北癸亥初聽秀才對策第中上巳上叙之乙丑鎮南崔亮鎮軍李平等剋碓石斬趙祖悅傳首京師盡俘其衆三月戊辰朔日有蝕之夏四月戊戌以瀛州人饑開倉振恤五月丁卯朔以炎旱命釐察獄訟權傳作役庚午詔放華林野獸於山澤秋七月庚午重申殺牛禁八月景午詔古帝諸陵四面各五十步

勿聽耕稼九月丁丑淮堰破梁緣淮城戍村落十餘萬口
皆漂入海是歲吐谷渾宕昌鄧至高昌陰平等國並遣使
朝貢

二年春正月大棄餘賊復相聚攻瀛州刺史宇文福討平
之甲戌大赦庚寅詔遣大使巡行四方問疾苦恤孤寡黜
陟幽明二月丁未封御史中尉元匡為東平王三月丁亥
太保領司徒廣平王懷薨夏四月丁酉詔京尹所統年高
者板賜郡各有差戊申以開府儀同三司胡國珍為司徒
乙卯皇太后幸伊闕石窟寺即日還宮改封安定王超為
北平王五月庚辰重申天文禁犯者以大辟論秋七月乙

亥儀同三司汝南王悅坐殺人免官以王還第己巳享太廟八月戊戌宴道武以來宗室年十五以上於顯陽殿申家人禮己亥詔庶族子弟年未十五不聽入仕庚子詔咸陽京兆二王子女還附屬籍丁未詔太師高陽王雍入居門下參決尚書奏事冬十月以幽冀滄瀛光五州饑遣使巡撫開倉振恤是歲東夷西域氐羗等十一國竝遣使朝貢

神龜元年春正月甲子詔以氐酋楊定爲陰平王壬申詔給京畿及諸州老人板郡縣各有差及賜鰥寡孤獨粟帛庚辰詔以雜役戶或冒入清流所在職人皆令五人相保

無人任保者奪官還役乙酉秦州羗及幽州大飢死者三
千七百九十人詔刺史開倉振恤二月己酉詔以神龜表
瑞大赦改元東益州兵反三月南秦州兵反夏四月丁酉
司徒胡國珍薨甲辰改封江陽王繼爲京兆王六月自正
月不雨是月辛卯澍雨乃降秋七月河州人却鐵忽聚衆
反自稱水池王閏月甲辰開恒州銀山禁八月癸丑朔詔
京師見囚殊死以下悉減一等甲子却鐵忽詣行臺源子
恭降九月戊申皇太后高氏崩于瑤光寺冬十月丁卯以
尼禮葬高太后於芒山十二月辛未詔曰人生有終下歸
兆域京邑隱振口盈億萬貴賤收憑未有定所今制乾脯

山以西擬爲九原是歲東夷西域北狄十一國竝遣使朝貢

二年春正月辛巳朔日有蝕之丁亥詔曰皇太后撝挹自居稱號弗備宜遵舊典稱詔宇內以副黎蒸元元之望是月改葬文昭皇太后高氏二月乙丑齊郡王祐薨庚午羽林千餘人焚征西將軍張彝第毆傷彝燒殺其子均乙亥大赦丁丑詔求直言壬寅詔以旱故命依舊寧祈察理寬獄掩骼埋骸振窮恤寡三月甲辰澍雨大洽夏五月戊戌以司空任城王澄爲司徒京兆王繼爲司空秋八月乙未御史中尉東平王匡坐事削除官爵九月庚寅皇太后幸

嵩高山癸巳還宮冬十二月癸丑司徒任城王澄薨庚申
大赦詔除淫祀焚諸雜神是歲吐谷渾宕昌噉噠等國並
遣使朝貢

正光元年春正月乙亥朔日有蝕之夏四月景辰詔尚書
長孫承業巡撫北蕃觀察風俗五月辛巳以災旱故詔八
坐鞠見囚申枉濫秋七月景子侍中元乂中常侍劉騰奉
帝幸前殿矯皇太后詔歸政遜位乃幽皇太后北宮殺太
傅清河王懌摠勒禁旅決事殿中辛卯帝加元服大赦改
元內外百官進位一等八月甲寅相州刺史中山王熙舉
兵欲誅騰不果見殺九月壬辰蠕蠕主阿那瓌來奔戊戌

以太師高陽王雍爲丞相冬十月乙卯以儀同三司汝南
王悅爲太尉十一月己亥封阿那瓌爲朔方郡公蠕蠕王
十二月壬子詔送蠕蠕王阿那瓌歸北辛酉以司空京兆
王繼爲司徒

二年春正月南秦州反二月車駕幸國子學講孝經三
月庚午幸國子學祠孔子以顏回配甲午右衛將軍奚康
生於禁中將殺元又不果爲人所害以儀同三司劉騰爲
司空夏四月庚子進司徒京兆王繼位太保壬寅以儀同
三司崔光爲司徒五月丁酉朔日有蝕之秋七月己丑以
旱故詔有司脩案舊典祗行六事八月己巳蠕蠕後主郁

久間侯匿伐來奔懷朔鎮十二月甲戌詔司徒崔光安豐
王延明等議定服章庚辰以東益南秦州氏反詔河閒王
琛討之失利是歲焉耆居密波斯高昌勿吉伏羅高車等
國並遣使朝貢

三年春正月辛亥耕籍田夏四月庚辰以高車國主覆羅
伊訶爲鎮西將軍西海郡公高車國王五月壬辰朔日有
蝕之六月己巳以旱故詔分遣有司馳祈岳瀆及諸山川
百神能興雲雨者命理冤獄止土功減膳徹懸禁止屠殺
冬十一月己丑朔日有蝕之乙巳祀圓丘景午詔班曆大
赦十二月癸酉以太保京兆王繼爲太傅司徒崔光爲太

保是歲波斯不溪龜茲吐谷渾並遣使朝貢

四年春二月壬申追封故咸陽王禧為敷城王京兆王愉為臨洮王清河王懌為范陽王以禮加葬丁丑河間王琛章武王融並以貪汙削爵除名己卯蠕蠕主阿那瓌率眾犯塞遣尚書左丞元孚為北道行臺持節喻之蠕蠕後主郁久間侯匿伐來朝司空劉騰薨夏四月阿那瓌執元孚北遁秋八月癸未追復故范陽王懌為河間王九月丁酉詔太尉汝南王悅入居門下與丞相高陽王雍參夾尚書奏事冬十一月癸未朔日有蝕之景申趙郡王謚薨丁酉太保崔光薨十二月以太尉汝南王悅為太保徐州刺史

北海王顥坐貪汙削爵除官是歲省昌庫莫奚國遣使朝貢

五年春正月辛丑祀南郊二月沃野鎮人破大韓拔陵反聚衆殺鎮將號真王元年夏四月高平酋長胡琛反自稱高平王攻鎮以應拔陵別將盧祖遷擊破之五月都督北征諸軍事臨淮王彧攻討敗于五原削除官爵壬申詔尚書李崇爲大都督率廣陽王深等北討六月秦州城人莫折大提據城反自稱秦王殺刺史李彥大提尋死子念生代立僭稱天子年號天建置立百官丁酉大赦秋七月戊午復河間王琛臨淮王彧本封是月涼州幢帥于菩提

呼延雄執刺史宋穎據州反念生遣其兄高陽王天生下隴東寇八月甲午雍州刺史元志西討大敗於隴東退守岐州景申詔諸州鎮軍元非犯配者悉免爲編戶改鎮爲州依舊立稱九月壬申詔尚書左僕射齊王蕭寶夤爲西道行臺大都督復撫軍北海王顥官爵爲都督並率諸將西討乙亥帝幸明堂餞寶夤等吐谷渾主伏連籌遣兵討涼州干菩提走追斬之城人趙天安復推宋穎爲刺史冬十月營州城人劉安定就德興據城反執刺史李仲遵城人王惡兒斬安定以降德興東走自號燕王十一月詔太傅京兆王繼爲太師大將軍率諸將西討汾州正平平陽

胡叛逆詔復征東將軍章武王融封爵爲大都督率衆討之莫折念生遣兵攻涼州城人趙天安復執刺史以應之是歲噉唃契丹地豆于庫莫奚等國並遣使朝貢

孝昌元年春正月庚申徐州刺史元法僧據城反自稱宋王年號天啓遣其子景仲歸梁梁遣其將豫章王綜入守彭城法僧擁其僚屬南入詔臨淮王彧尚書李憲爲都督安豐王延明爲東道行臺俱討徐州癸亥蕭寶夔及征西將軍崔延伯大破賊於黑水天生退走入隴涇岐及隴悉平以太師大將軍京兆王繼爲太尉二月詔追復故樂良王長命爵以其子忠紹之代戊大赦三月甲戌詔五品以

上各薦所知夏四月辛卯皇太后復臨朝攝政引羣臣面
陳得失壬辰征西將軍都督崔延伯大敗於涇州戰歿六
月癸未大赦改元蠕蠕主阿那瓌大破拔陵是月諸將逼
彭城蕭綜夜潛出降梁諸將奔退衆軍追躡免者十二
秋八月癸酉詔斷遠近貢獻珍麗違者免官柔玄鎮人杜
洛周反於上谷年號真王九月乙卯詔減天下諸調之半
壬戌詔五品以上各舉所知辛未曲赦南北秦州冬十月
蠕蠕遣使朝貢十一月辛亥詔父母年八十以上者皆聽
居官時四方多事諸蠻復反十二月山胡劉蠡升反自稱
天子

二年春正月庚戌封廣平王懷長子誨爲范陽王壬子以太保汝南王悅領太尉是月五原鮮于脩禮反於定州年號魯興二月庚申帝及皇太后臨大夏門親覽冤訟三月庚子追復中山王熙本爵以其子叔仁紹之夏四月大赦戊申北討都督河閒王琛長孫承業失利奔還詔並免官爵五月丁未車駕將北討內外戒嚴前給事黃門侍郎元略自梁還朝封義陽王以丞相高陽王雍爲大司馬六月己巳曲赦齊州絳蜀陳雙熾聚衆反自號始建王曲赦平陽建興正平三郡詔假鎮西將軍都督長孫承業討雙熾平之景季改封義陽王略爲東平王戊寅詔復京兆王繼

本封江陽王戊子詔曰自運屬艱棘歷載于茲朕威德不能遐被經略無以及遠何以苟安黃屋無愧黔黎今便避居正殿蔬食素服賞親自招募收集忠勇其有直言正諫之士敢決徇義之夫二十五日悉集華林東門人別引見共論得失秋八月景子進封廣川縣公元邵爲常山王戊子進武城縣公子攸爲長樂王癸巳賊帥元洪業斬鮮于脩禮請降爲賊黨葛榮所殺九月辛亥葛榮敗都督廣陽王深章武王融於博野白牛邏融歿於陣榮自稱天子國號齊年稱廣安冬十一月戊戌杜洛周攻陷幽州執刺史王延年及行臺常景景牛稅京師田租畝五升借賃公田

北史帝紀四 十九
者畝一斗閏月稅市人出入者各一錢店舍爲五等梁將
元樹逼壽春揚州刺史李憲力屈而降初留州縣及長史
司馬戍主副質子於京師詔項舊京淪覆中原喪亂宗室
子女屬籍在七廟內爲雜戶濫門拘辱者悉聽離絕是歲
疊伏羅庫國並遣使朝貢

三年春正月甲戌以司空皇甫度爲司徒儀同三司蕭寶
夤爲司空辛巳葛榮陷殷州刺史崔楷固節死之甲申詔
峻鑄錢之制蕭寶夤大敗于涇州北海王顥尋亦敗走曲
赦關西及正平平陽建興戊子以司徒皇甫度爲太尉己
丑以四方未平詔內外戒嚴將親征二月丁酉詔開輸賞

格輸粟入灑定歧雍四州者官斗二百斛賞一階入二華
州者五百石賞一階不限多少粟畢授官虜賊據潼關三
月甲子詔將西討中外戒嚴虜賊走復潼關秋七月相州
刺史安樂王贍據州反己丑大赦八月都督源子邕李神
軌裴衍攻鄴丁未斬贍相州平九月己未東豫州刺史元
慶和以城南叛秦州城人杜粲殺莫折念生自行州事冬
十月戊申曲赦恒農巴西河北正平平陽邵郡及關西諸
州軍甲寅雍州刺史蕭寶夤據州反自號齊年稱隆緒十
一月己丑葛榮攻陷冀州執刺史元字遂出居人凍死者
十六七十二月戊申都督源子邕裴衍與榮戰敗於陽平

東北並歿是月杜粲為駱超所殺超遣使歸罪是歲蠕蠕遣使朝貢

武泰元年春正月乙丑生皇女祕言皇子景寅大赦改元丁丑雍州人侯終德相率攻蕭寶夔寶夔度渭走雍州平二月癸丑帝崩於顯陽殿時年十九甲寅皇子即位大赦皇太后詔晉皇家握曆受圖年將二百祖宗累聖社稷載安高祖以文思先天世宗以下武繼世大行在御重以寬仁奉養率由溫明恭順實均美善靈降祐麟趾衆繁自潘充華有孕椒宮異誕儲兩而能寵無兆唯虺遂彰于時直以國步未康假補統胤欲以底定物情係仰宸極何圖一旦

弓劔莫追皇曾孫故臨洮王寶暉世子釗體自高祖天表
卓異大行平日養愛特深義旅若子事符當璧充膺太寶
即日踐祚可班宣遠邇咸使知之乙卯幼主即位儀同三
司大都督尔朱榮抗表請入奔赴勒兵而南是月杜洛周
爲葛榮所并三月甲申上尊謚曰孝明皇帝乙酉葬於定
陵廟號肅宗四月戊戌爾朱榮濟河庚子皇太后幼主崩
論曰宣武承聖考德業天下想望風化垂拱無爲邊徼稽
服而寬以攝下從容不斷太和之風替矣比之漢世安順
宣武之後繼以元成孝明冲齡統業靈后婦人專制任用
非人賞罰乖舛於是讐起宇內禍延邦畿卒於享國不長

擲亦淪胥之始也

魏本紀第四

北史四

方洽周益

周已平

孫

粹然

校正

魏本紀第五

北史五

敬宗孝莊皇帝諱子攸彭城王勰之第三子也母曰朱氏

明帝初以勰有魯陽翼衛之勲封帝武城縣公幼侍明帝

書於禁中及長風神秀慧姿貌甚美雅為明帝親待孝昌

二年八月進封長樂王歷位侍中中軍將軍以兄彭城王

劭事轉為衛將軍左光祿大夫中書監寔見出也武泰元

年二月明帝崩大都督介朱榮謀廢立以帝家有忠勲且

兼人望陰與帝通率衆來赴帝與兄弟夜北度河會榮於

河陽

永安元年夏四月戊戌帝南濟河即皇帝位以皇兄彭城

王劭爲無上王皇弟霸城公子正爲始平王以介朱榮爲使持節侍中都督中外諸軍事大將軍尚書令領軍將軍領左右封太原王己亥百僚相率有司奉璽綬備法駕奉迎於河梁西至陶渚榮以兵權在己遂有異志乃害靈太后及幼主次害無上王劭始平王子正又害丞相高陽王雍已下王公卿士二千人列騎衛帝遷於便幕榮尋悔稽顙謝罪辛丑車駕入宮御太極殿大赦改武泰爲建義元年壬寅榮表請追謚無上王爲皇帝餘死河陰者諸王刺史贈三司三品者令僕五品者刺史七品已下及庶人郡鎮諸死者子孫聽立後授封爵詔從之癸卯以前太尉江

陽王繼爲太師以司州牧相州刺史北海王顥爲太傅開
府仍刺史封光祿大夫清涼縣侯李延實爲陽平王位太
保遷太傅以并州刺史元天穆爲太尉封上黨王以儀同
三司楊椿爲司徒以儀同三司頓丘郡公穆紹爲司空領
尚書令進爵爲王以雍州刺史長孫承業爲開府儀同三
司進封馮翊王以殿中尚書元諶爲尚書右僕射封魏郡
王以給事黃門侍郎元瑱爲東海王甲辰以敷城王坦爲
咸陽王以諫議大夫元貴平爲東萊王以直閣將軍元肅
爲魯郡王以祕書郎中元暉爲長廣王以馮翊郡公源紹
景復先爵隴西王扶風郡公馮因東郡公陸子彰北平公

長孫悅並復先王爵以比平王超還復爲安定王丁未詔
中外解嚴庚戌封大將軍介朱榮次子義羅爲梁郡王詔
蠕蠕王阿那瓌讚拜不名上書不稱臣是月汝南王悅北
海王顥臨淮王彧前後奔梁五月丁巳朔以右僕射元羅
爲東道大使光祿勳元欣副之循方黜陟先行後聞辛酉
大將軍介朱榮還晉陽帝餞於邙陰六月癸卯以高昌王
世子光爲平西將軍瓜州刺史襲爵秦臨縣伯高昌王帝
以寇難未夷避正殿責躬撤膳又班募格收集忠勇有直
言正諫之士者集華林園面論時事幽州平北府主簿河
間邢杲率河北流徙人萬餘戶反於北海自署漢王年號

天統秋七月乙丑加大將軍介朱榮柱國大將軍錄尚書
事壬子光州人劉舉聚衆反於濮陽自稱皇武大將是月
高平鎮人萬俟醜奴僭稱大位臨淮王或自江南還朝八
月太山太守羊侃據郡反甲辰詔大都督宗正珍孫討劉
舉平之九月己巳以齊州刺史元欣爲沛郡王壬申柱國
大將軍介朱榮率騎七千討葛榮於滏口破禽之異定滄
瀛殷五州平乙亥以葛榮平大赦改元爲永安辛巳以介
朱榮爲大丞相進榮子平昌郡公文殊昌樂郡公文暢爵
並爲王以司徒楊椿爲太保城陽王徽爲司徒冬十月丁
亥介朱榮檻送葛榮於京師帝臨闔闔門榮稽顙謝罪斬

於都市戊戌江陽王繼薨癸丑復膠東縣侯李侃希祖爵
南郡王是月大都督費穆大破梁軍禽其將曹義宗檻送
京師梁以北海王顥為魏主年號孝基入據南充之錕城
十一月戊午以無上王世子韶為彭城王陳留王子寬為
陳留王寬弟剛為浮陽王剛弟質為林慮王癸亥行臺于
暉等大破羊侃於瑕丘侃奔梁戊寅封前軍元凝為東安
王是歲葛榮餘黨韓樓復據幽州反

二年春二月甲午追尊皇考為文穆皇帝廟號肅祖皇妣
為文穆皇后夏四月癸未遷文穆皇帝及文穆皇后神主
于太廟降畿內死罪已下刑辛丑上黨王天穆大破邢杲

於濟南梟降送於京師斬於都市五月壬子朔元顥剋梁
國乙丑內外戒嚴癸酉元顥陷滎陽甲戌夜車駕北巡乙
亥幸河內景子元顥入洛丁丑進封城陽縣公元祉爲平
原王安昌縣公元鷲爲華山王戊寅太原王介朱榮會車
駕於長子即日反旆上黨王天穆北度會車駕於河內秋
七月戊辰都督介朱兆賀拔勝從破石夜濟破顥子冠受
及安豐王延明軍元顥敗走庚午車駕入居華林園升大
夏門大赦壬申以柱國大將軍太原王介朱榮爲天柱大
將軍癸酉臨潁縣卒江豐斬元顥傳首京師甲戌以大將
軍上黨王天穆爲大宰以司徒城陽王徽爲大司馬太尉

北史卷五十五
四
己卯以南青州刺史元旭爲襄城王南兗州刺史元暹爲
汝陽王閏月辛巳帝始居宮內辛卯以兼吏部尚書楊津
爲司空八月己未以太傅李延實爲司徒丁卯封瓜州刺
史元太宗爲東陽王九月大都督侯深破韓樓於蘄斬之
幽州平冬十月乙酉朔日有蝕之丁丑以前司空丹楊王
蕭贇爲司徒十一月己卯就德興自榮州遣使請降景平
以大司馬太尉城陽王徽爲太保以司徒丹楊王蕭贇爲
太尉以雍州刺史長孫承業爲司徒

三年夏四月丁卯雍州刺史尒朱天光討萬俟醜奴蕭贇
贇於安定破禽之囚送京師甲戌以關中平大赦斬醜奴

於都市賜寶黃金死六月戊午噉啞國獻師子一是月白馬
龍涸胡王慶雲僭稱帝號於永洛城秋七月景子亦朱天
光平永洛城禽慶雲九月辛卯天柱大將軍亦朱榮上黨
王天穆自晉陽來朝戊戌帝殺榮天穆於明光殿及榮子
菩提乃升閭闔門大赦遣武衛將軍奚毅前燕州刺史侯
深率衆鎮北中是夜左僕射亦朱世隆榮妻鄉郡長公主
率榮部曲自西陽門出屯河陰己亥攻河橋禽毅等屠害
之據北中城南逼京師冬十月癸卯朔封大鴻臚卿寶炬
爲南陽王汝南縣公備爲平陽王新陽伯誕爲昌樂王琅
耶公昶爲太原王甲辰徙封魏郡王諶爲趙郡王諶弟子

趙郡王宣爲平昌王戊申皇子生大赦乙卯通直散騎常侍李苗以火船焚河橋尔朱世隆退走壬申世隆停建興之高都尔朱昶自晉陽來會之共推長廣王暉爲主大赦所部年號建明徐州刺史尔朱仲遠反率衆向京師十一月乙亥以司徒長孫承業爲太尉以臨淮王彧爲司徒景子進雍州刺史廣宗郡公尔朱天光爵爲王十二月甲辰尔朱兆尔朱度律自富平津上率騎涉度以龍襄京城事出倉卒禁衛不守帝步出雲龍門北逼帝幸永寧寺殺皇子亂兵煞司徒臨淮王彧左僕射范陽王誨戊申尔朱度律自鎮京師甲寅尔朱兆遷帝於晉陽甲子帝遇弒於城內

三級佛寺時年二十四并害陳留王寬中興二年廢帝泰
謚為武懷皇帝及孝武立又以廟諱故改謚孝莊皇帝廟
號敬宗葬於靜陵

節閔皇帝諱恭字脩業廣陵惠王羽之子也母曰王氏帝
少有志度事祖母嫡母以孝聞正始中襲爵位給事黃門
侍郎帝以元義擅權託稱瘖病絕言垂一紀居於龍花佛
寺無所交通永安末有白莊帝言帝不語將有異圖人間
遊聲又云常有天子氣帝懼禍遂逃匿上洛尋見追躡送
京師拘禁多日以無狀獲免及莊帝崩尔朱世隆等以元
暉疎遠又非人望所推以帝有過人之量將謀廢立恐實

不語乃令帝所親申意兼迫脅帝曰天何言哉世隆等大
悅及元暉至邛南世隆等奉帝東郭外行禪讓禮太尉介
朱度律奉路車進璽紘服衣冕百官侍衛入自建春雲龍
門

普泰元年春二月己巳皇帝即位於太極前殿羣臣拜賀
禮畢遂登闔闔門大赦以魏為大魏改建明二年為普泰
元年罷稅市及稅鹽之官庚午詔曰自秦之末競為皇帝
忘負乘之深殃垂貪鄙於萬葉予今稱帝已為寢矣可普
告令知是月鎮遠將軍清河崔祖螭聚青州七郡之衆圍
東陽幽州刺史劉靈助起兵於薊河北大使高乾及其弟

昂夜襲冀州執刺史元嶷共推前河內太守封隆之行州
事三月癸酉封長廣王擘為東海王以青州刺史魯郡王
肅為太師沛郡王欣為太傅司州牧改封淮陽王以徐州
刺史彭城王尒朱仲遠雍州刺史隴西王尒朱天光並為
大將軍以柱國大將軍并州刺史潁川王尒朱兆為天柱
大將軍封晉州刺史平陽郡公高歡為勃海王以特進清
河王亶為太傅以尚書令樂平王尒朱世隆為太保以趙
郡王湛為司空景申定州刺史侯深破劉靈助於安國城
斬之傳首京師夏四月壬子享太廟癸亥隴西王尒朱天
光破宿勤明達禽送京師斬之景寅以侍中尒朱彥伯為

司徒詔有司不得復稱爲梁罷細作之條無禁隣國還往
五月景子亦朱仲遠使其都督魏僧勗等討崔祖螭於東
陽斬之六月己亥朔日有蝕之庚申勃海王高歡起兵信
都以誅亦朱氏爲名秋七月壬申亦朱世隆等害前太保
楊椿前司空楊津景戌司徒亦朱彥伯以旱遜位九月以
彭城王亦朱仲遠爲太宰庚辰以隴西王亦朱天光爲大
司馬癸巳追尊皇考爲先帝皇妣王氏爲先太妃封皇弟
求業爲高密王皇子子恕爲勃海王冬十月壬寅高歡推
勃海太守元朗即皇帝位於信都

二年春閏二月高歡敗亦朱天光等於韓陵夏四月辛巳

高歡與廢帝至芒山使魏蘭根慰喻洛邑且觀帝之爲人
蘭根忌帝雅德還致毀謗竟從崔悛議廢帝於崇訓佛寺
而立平陽王脩是爲孝武帝帝旣失位乃賦詩曰朱門久
可患紫極非情翫顛覆立可待一年三易換時運正如此
唯有修真觀五月景申帝遇弒殂於門下外省時年三十
五孝武帝詔百司赴會葬用王禮加九旒鑾輅黃屋左纛
班劍百二十人後西魏追謚節閔皇帝

廢帝諱朗字仲哲章武王融第三子也母曰程氏帝少稱
明悟元曄建明二年正月戊子爲勃海太守普泰元年十
月勃海王高歡奉帝以主號令

中興元年冬十月壬寅皇帝即位於信都西大赦改普泰
元年爲中興以勃海王高歡爲丞相都督中外諸軍事以
河北大使高乾爲司空辛亥高歡大破余朱兆於廣阿十
一月梁將元樹入據譙城

二年春二月甲子以勃海王高歡爲大丞相柱國大將軍
太師及歡敗余朱氏於韓陵四月辛巳帝於河陽遜位於
別郎五月孝武封帝爲安定郡王十一月殂於門下外省
時年二十永熙二年葬於鄴西南野馬崗

孝武皇帝諱脩字孝則廣平武穆王懷之第三子也母曰
李氏帝性沈厚學涉好武事遍體有鱗文年十八封汝陽

縣公夢人有從諱謂已曰汝當大貴得二十五年永安三年封平陽王晉泰中爲侍中尚書左僕射中興二年高歡旣敗尔朱氏廢帝自以踈遠請遜大位歡乃與百寮議以孝文不可無後時召汝南王悅於梁至將立之宿昔而止又諸王皆逃匿帝在田舍先是嵩山道士潘彌望見洛陽城西有天子氣候之乃帝也於是造第密言之居五旬而高歡使斛斯椿求帝椿從帝所親王思政見帝帝變色曰非賣我耶椿遂以白歡歡遣四百騎奉迎帝入氈帳陳誠泣下露襟讓以寡德歡再拜帝亦拜歡出備服御進湯沐達夜嚴警昧爽又武執鞭以朝使斛斯椿奉勸進表椿入

惟門罄折延首而不敢前帝令思政取表曰視便不得不稱朕矣於是假廢帝安定王詔策而禪位焉即位于東郭之外用代都舊制以黑氈蒙七人歡居其一帝於氈上西向拜天訖自東陽雲龍門入

永熙元年夏四月戊子皇帝御太極前殿羣臣朝賀禮畢升闔闔門大赦改中興二年爲太昌元年壬辰高歡還鄴五月景申節閔帝殂以太傅淮陽王欣爲太師改封沛郡王以司徒趙郡王諶爲太保以司空南陽王寶炬爲太尉以太保長孫承業爲太傅辛丑復前司空高乾位己酉以儀同三司清河王亶爲司徒乙卯內外解嚴六月癸亥朔

帝於華林園納訟丁卯南陽王寶炬坐事降爲驃騎大將
軍開府以王歸第己卯臨顯陽殿納訟景戌詔曰聞者凶
權誕恣法令變常遂立夷貊輕賦異收天下之意隨以箕
歛之重終納十倍之征掩目捕雀何能過此今歲租調且
兩收一丐明年復舊秋七月庚子以南陽王寶炬爲太尉
乙卯帝臨顯陽殿親理寃獄是月東南道大行臺樊子鵠
大破梁軍於譙城禽其將元樹八月丁卯封西中郎將元
寧爲高平王九月癸卯進燕郡公賀拔允爵爲王癸丑改
封沛郡王欣爲廣陵王節閔子勃海王子恕爲沛郡王冬
十月辛酉朔日有蝕之十一月丁酉祀圓丘甲辰殺安定

王朗及東海王曄己酉以汝南王悅爲侍中大司馬開府
葬太后胡氏十二月丁亥殺大司馬汝南王悅大赦改元
爲永興以同明元時年號尋改爲永熙是歲蠕蠕噉高
麗契丹庫莫奚高昌等國並遣使朝貢

二年春正月庚寅朔朝饗羣臣于太極前殿丁酉勃海王
高歡大敗尔朱氏山東平罷諸行臺丁巳追尊皇考爲武
穆皇帝太妃馮氏爲武穆皇后皇妣李氏曰皇太妃二月
以咸陽王坦爲司空三月甲午太師魯郡王肅薨丁巳以
太保趙郡王謀爲太尉以太尉南陽王寶炬爲尚書令太
保開府是月阿至羅十萬戶內附詔復以勃海王高歡爲

大行臺隨機裁處夏四月己未朔日有蝕之秋七月壬辰以太師廣陵王欣爲大司馬以太尉趙郡王諶爲太師並開府庚戌以前司徒燕郡王賀拔允爲太尉冬十月癸未以衛將軍瓜州刺史泰臨縣伯高昌王趙子堅爲儀同三司進爵郡公十二月丁巳狩於嵩陽士卒寒苦己巳遂幸温湯丁丑還宮

三年春二月壬戌大赦壬午封左衛將軍元斌之爲潁川王夏四月癸丑朔日有蝕之辛未高平王寧坐事降爵爲公五月景戌置勳府庶子箱別六百人騎官箱別二百人閣內部曲數千人帝內圖高歡乃以斛斯椿爲領軍使與

王思政等統之以爲心膂軍謀朝政咸決於椿分置督將
及河南關西諸刺史辛卯下詔戒嚴揚聲伐梁實謀北討
是夏契丹高麗吐谷渾並遣使朝貢秋七月己丑帝親摠
六軍十餘萬次河橋高歡引軍東度景午帝率南陽王寶
炬清河王亶廣陽王湛斛斯椿以五千騎宿於渥西楊王
別舍沙門都維那惠臻負壘持千牛刀以從有牛百頭盡
殺以食軍士衆知帝將出其夜亡者過半清河廣陽二王
亦逃歸略陽公宇文泰遣都督駱超李賢和各領數百騎
赴駱超先至甲戌賢和會帝於嶠中己酉高歡入洛遣婁
昭及河南尹元子思領左右侍官追帝請迴駕高即率勁

騎及帝於陝西帝鞭馬長驚至湖城飢渴甚有王思村人
以麥飯壺漿獻帝帝甘之復一村十年是歲二月熒惑入
南斗衆星北流羣鼠浮河向鄴梁武跣而下殿以禳星變
及聞帝之西慙曰虜亦應天乎帝至稠桑潼關大都督毛
洪賓迎獻食八月宇文泰遣大都督趙貴梁禦甲騎二千
來赴乃奉迎帝過河謂禦曰此水東流而朕西上若得重
謁洛陽廟是卿等功也帝及左右皆流涕宇文泰迎帝於
東陽帝勞之將士皆呼萬歲遂入長安以雍州公解爲宮
大赦甲寅高歡推司徒清河王亶爲大司馬承制撫萬機
居尚書省歡追車駕至潼關九月己酉歡東還洛陽帝親

督衆攻潼關斬其行臺華長瑜又剋華州其冬十月高歡
推清河王亶子善見爲主徙都鄴是爲東魏魏於此始分
爲二帝之在洛也從妹不嫁者三一曰平原公主明月南
陽王同產也二曰安德公主清河王懌女也三曰蒺藜亦
封公主帝內宴令諸婦人詠詩或詠鮑照樂府曰朱門九
重門九閨願逐明月入君懷帝旣以明月入關蒺藜自縊
宇文泰使元氏諸王取明月殺之帝不悅或時彎弓或時
推案君臣由此不安平閏十二月癸巳潘彌奏言今日當
甚有急兵其夜帝在逍遙園宴阿至羅顏侍臣曰此處仿
彿華林園使人聊增悽怨命取所乘波斯騮馬使南陽王

躍之將攀鞍蹶而死帝惡之日晏還宮至後門馬驚不前
鞭打入謂潘彌曰今日幸無他不彌曰過夜半則大吉須
臾帝飲酒遇酖而崩時年二十五謚曰孝武殯於草堂佛
寺十餘年乃葬雲陵始宣武孝明間謠曰狐非狐貉非貉
焦梨狗子齧斷索識者以爲索謂本索髮焦梨狗子指字
文泰俗謂之黑獺也

文皇帝諱寶炬孝文皇帝之孫京兆王愉之子也母曰楊
氏帝正始初坐父愉罪兄弟皆幽宗正寺及宣武崩乃得
雪正光中拜直閣將軍時胡太后多嬖寵帝與明帝謀誅
之事泄免官武泰中封邵縣侯永安二年進封南陽王孝

北史卷五
十三
武即位拜太尉加侍中永熙二年進位太保開府尚書令
三年孝武與高歡構難以帝爲中軍四面大都督及從入
關拜太宰錄尚書事孝武崩丞相略陽公宇文泰率羣公
卿士奉表勸進三讓乃許焉

大統元年春正月戊申皇帝即位於城西大赦改元追尊
皇考爲文景皇帝皇妣楊氏爲皇后己酉進丞相略陽公
宇文泰都督中外諸軍錄尚書事大行臺改封安定郡公
以尚書令斛斯椿爲太保廣平王贊爲司徒乙卯立妃乙
氏爲皇后立皇子欽爲皇太子甲子以廣陵王欣爲太傅
以儀同三司万俟壽樂干爲司空東魏將侯景攻陷荊州

二月前南青州刺史大野拔斬兗州刺史樊子鵠以州降
東魏夏五月降罪人加安定公宇文泰位柱國秋七月以
開府儀同三司念賢爲太尉以司空万俟壽樂干爲司徒
以開府儀同三司越勒肱爲司空梁州刺史元羅以州降
梁九月有司詔煎御香澤須錢萬貫帝以軍旅在外停之
冬十月太師上黨王長孫承業薨十二月以太尉念賢爲
太傅以河州刺史梁景叡爲太尉

二年春正月辛亥祀南郊改以神元皇帝配東魏政陷夏
州二月儀同三司段敬討叛羌梁公定平之三月以涼州
刺史李叔仁爲司徒以司徒万俟壽樂干爲太宰夏五月

司空越勒肱薨秦州刺史建中王万俟普撥及其子太宰
壽樂干率所部奔東魏秋九月以扶風王字爲司空以太
保斛斯椿爲太傅冬十一月追改始祖神元皇帝爲太祖
道武皇帝爲烈祖是歲關中大飢人相食死者十七八
三年春二月槐里獲神璽大赦夏四月太傅斛斯椿薨五
月以廣陵王欣爲太宰賀拔勝爲太師六月以司空扶風
王字爲太保以太尉梁景叡爲太傅以司徒廣平王贊爲
太尉以開府儀同三司王盟爲司空冬十月安定公宇文
泰大破東魏軍於沙苑拜泰柱國大將軍十二月司徒李
叔仁自梁州通使於東魏建昌太守賀蘭植攻斬之

四年春正月辛酉拜天於清暉室終帝世遂爲常二月東魏攻陷南汾潁豫廣四州廢皇后乙氏三月立蠕蠕女郁久闍氏爲皇后大赦以司空王盟爲司徒秋七月東魏將侯景等圍洛陽帝與安定公宇文泰東伐九月車駕至自東伐以撫軍將軍梁公定爲南洮州刺史安西蕃

五年春二月赦京城內夏五月以開府儀同三司李弼爲司空免妓樂雜役之徒皆從編戶秋七月詔自今恒以朔望親閱京師見禁囚徒以司空扶風王孚爲太尉冬十月於陽武門外縣鼓置紙筆以求得失

六年春正月庚戌朝羣臣自西遷至此禮樂始備太尉扶

風王孚薨二月鑄五銖錢降罪人冬十一月太師念賢薨
七年春二月幽州刺史順陽王仲景以罪賜死三月夏州
刺史劉平謀反大都督于謹討禽之秋九月詔班政事之
法六條冬十一月叛寇梁公定徒黨屯於赤水城秦州刺
史獨孤信擊平之尚書奏班十二條制十二月御馮雲觀
引見諸王叙家人之禮手詔爲宗誠十條以賜之

八年春三月初置六軍夏四月鄯善王兄鄯朱舛率衆內
附秋八月以太尉王盟爲太保冬十月詔皇太子鎮河東
十二月行幸華州起萬壽殿於沙苑北

九年春正月降罪人禁中外及從母兄弟姊妹爲婚閏月

車駕至自華州二月東魏北豫州刺史高仲密據武牢內
附以仲密爲侍中司徒封勃海郡公秋七月大赦以太保
王盟爲太傅以太尉廣平王贇爲司空冬十二月以司空
李弼爲太尉

十年春正月甲子詔公卿已下每月上封事三條極言得
失刺史二千石銅墨已上有讜言嘉謀勿有所諱夏五月
太師賀拔勝薨秋七月更權衡度量

十一年夏五月太傅王盟薨詔諸鞫大辟獄皆命三公覆
審然後加刑冬始築圓立於城南封皇子儉

十二年春二月涼州刺史宇文仲和反秦州刺史獨孤信

討平之三月鑄五銖錢夏五月詔女年不滿十三以上勿
得以嫁秋九月東魏勃海王高歡攻玉壁晉州刺史韋孝
寬力戰禦之冬十二月歡燒營而退

十三年春正月開白渠以溉田二月詔自今應官刑者直
沒官勿刑亡奴婢應黥者止科亡罪以開府儀同三司若
于惠爲司空東魏勃海王高歡薨其司徒侯景據潁川率
河南六州內附授景太傅河南大行臺上谷郡公三月大
赦夏五月以太傅侯景爲大將軍以開府儀同三司獨孤
信爲大司馬晉王謹薨秋七月司空若干惠薨大將軍侯
景據豫州叛封皇子寧爲趙王

十四年春正月赦潁豫廣北洛東荆襄等七州以開府儀
同三司趙貴爲司空皇孫生大赦夏五月以安定公宇文
泰爲太師廣陵王欣爲太傅太尉李弼爲大宗伯前太尉
趙貴爲大司寇以司空于謹爲大司空

十五年己巳五月侯景殺梁武帝初詔諸代人太和中改
姓者並令復舊六月東魏勃海王高澄攻陷潁川秋八月
盜殺東魏勃海王高澄冬十二月封梁雍州刺史岳陽王
蕭譽爲梁王

十六年夏四月封皇子儒爲燕王公爲吳王五月東魏靜
帝遜位于齊秋七月安定公宇文泰東伐至恒農齊師不

出乃還九月大赦

十七年春三月庚戌帝崩于乾安殿時年四十五夏四月庚辰葬於永陵上謚曰文皇帝帝性強果始爲太尉時侍中高隆之恃勃海王高歡之黨驕狎公卿因公會帝勸酒不飲怒而歐之罵曰鎮兵何敢尔也孝武以歡故免帝太尉歸第命羽林守衛月餘復位及歡將改葬其父朝廷追贈太師百僚會吊者盡拜帝獨不屈曰安有生三公而拜贈太師耶及躋大位權歸周室嘗登道遙觀望嘆我山因謂左右曰望此令人有脫屣之意若使朕年五十便委政儲官尋山餌藥不能一日萬機也旣而大運未終竟保天

祿云

廢帝諱欽文皇帝之長子也母曰乙皇后大統元年正月乙卯立爲皇太子十七年三月即皇帝位是月梁邵陵王蕭綸侵安陸大將軍楊忠討禽之

元年冬十一月梁湘東主蕭繹討侯景禽之遣其舍人魏彥乘告仍嗣位於江陵

二年秋八月大將軍尉遲迥克成都劔南平冬十一月安定公宇文泰殺尚書元烈

三年春正月安定公宇文泰廢帝而立齊王廓帝自元烈之誅有怨言淮安王有廣平王贊等並垂泣諫帝不聽故

及於辱

恭皇帝諱廓文皇之第四子也大統十四年封爲齊王廢帝三年正月即皇帝位改元

元年夏四月蠕蠕乙旃達官寇廣武五月柱國李弼追擊之斬首數千級收輜重而還冬十一月魏師滅梁牝梁元帝梁太尉王僧辯奉元帝子方智爲王承制居建業

二年秋七月梁太尉王僧辯納貞陽侯蕭明於齊奉以爲主梁王方智爲太子九月梁司空陳霸先殺僧辯廢蕭明復奉方智爲帝是歲梁廣州刺史王琳寇邊大將軍豆盧寧帥師討之

三年春正月丁丑初行周禮建六官以安定公宇文泰為
太師冢宰以柱國李弼為大司徒趙貴為太保大宗伯以
尚書令獨孤信為大司馬以于謹為大司寇以侯莫陳崇
為大司空及十月乙亥安定公宇文泰薨十二月庚子帝
遜位於周

周閔帝元年正月封帝為宋公尋殂

東魏孝靜皇帝諱善見清河文宣王亶之世子也母曰胡
妃永熙三年八月拜開府儀同三司孝武帝既入關勃海
王高歡乃與百僚會議推帝以奉明帝之後時年十一
天平元年冬十月景寅皇帝即位于城東北大赦改元庚

午以太師趙郡王諶為大司馬以司空咸陽王坦為太尉
以開府儀同三司高盛為司徒以開府儀同三司高昂為
司空壬申享太廟景子車駕北遷于鄴詔勃海王高歡留
後部分改司州為洛州以尚書令元弼為儀同三司洛州
刺史鎮洛陽十一月兗州刺史樊子鵠南青州刺史大野
拔據瑕丘反庚寅車駕至鄴居北城相州之廨改相州刺
史為司州牧魏郡太守為魏尹徙鄴舊人西徑百里以居
新遷人分鄴置臨漳縣以魏郡林慮廣平陽丘汲郡黎陽
東濮陽清河廣宗等郡為皇畿十二月丁卯燕郡王賀拔
允薨庚午詔內外戒嚴百司悉依舊章從容雅服不得以

務衫從事景子進侍中封隆之等五人爲大使巡喻天下
丁丑赦畿內閏月梁以元慶和爲魏王入據平瀨鄉孝武
崩于長安初置四中郎將於礪石橋置東中蒲泉置西中
濟北置南中洛水置北中

二年春正月乙亥兼尚書右僕射東南道行臺元晏討元
慶和破走之二月壬午以太尉咸陽王坦爲太傅以司州
牧西河王暉爲太尉己丑前南青州刺史大野拔斬樊季
鵠以降兗州平戊戌梁司州刺史陳慶之寇豫州刺史堯
雄擊走之三月辛酉以司徒高盛爲太尉以司空高昂爲
司徒濟陰王暉業爲司空勃海王高歡討平山胡劉彘并

辛未以旱故詔京邑及諸州郡縣收瘞骸骨是春高麗襲丹並遣使朝貢夏四月前青州刺史侯梁反攻掠青齊癸未濟州刺史蔡雋討平之壬辰降京師見囚夏五月大旱勒城門殿門及省府寺署坊門澆人不簡王公無限日得雨乃止六月元慶和寇南頓豫州刺史堯雄大破之秋七月甲戌封汝南王悅孫綽為琅耶王八月辛卯司空濟陰王暉業坐事免甲午發衆七萬六千人營新宮九月丁巳以開府儀同三司襄城王旭為司空冬十月丁未梁柳仲禮寇荊州刺史王元擊破之癸丑祀圓丘甲寅闔闔門災龍見并州人家井中十二月壬午車駕狩于鄴東甲午文

武百官量事各給祿是歲西魏文帝大統元年也

三年春正月癸卯朔饗羣臣於前殿戊申詔百官舉士舉
不稱才者兩免之二月丁未梁光州刺史郝樹以州內附
丁酉加勃海王世子澄爲尚書令大行臺大都督三月甲
寅以開府儀同三司華山王鷲爲大司馬丁卯陽夏太守
盧公纂據郡南叛大都督元整破之夏四月丁酉昌樂王
誕薨五月癸卯賜鰥寡孤獨貧窮者衣物各有差景辰以
錄尚書事西河王恂爲司州牧戊辰太尉高盛薨六月辛
巳趙郡王謏薨秋七月庚子大赦梁夏州刺史田獨鞞潁
川防城都督劉鷲爲慶並以州內附八月并肆涿建四州霜

賈大飢九月壬寅以定州刺史侯景兼尚書右僕射南道
行臺節度諸軍南討景辰平陽人路季礼聚衆反辛酉御
史中尉賈泰討平之冬十一月戊申詔遣使巡檢河北流
移飢人侯景攻剋梁楚州獲刺史桓和十二月以并州刺
史尉景爲太保辛未遣使者板假老人官百歲已下各有
差壬申大司馬清河王亶薨癸未以太傅咸陽王坦爲太
師是歲高麗勿吉並遣使朝貢

四年春正月以汝陽王暹爲錄尚書事夏四月辛未遷七
帝神主入新廟大赦內外百官普進一階先是滎陽人張
儉等聚衆反於大騮山通西魏壬辰武衛將軍高元咸討

破之六月己巳辛華林園理訟辛未詔尚書掩骼埋胔推錄囚徒壬午閩闔門災秋七月甲辰遣兼散騎常侍李楷聘于梁八月西魏剋陝州刺史李徽伯死之九月侍中元子思與其弟子華謀西入並賜死閏月乙丑衛將軍右光祿大夫將天樂謀反伏誅禁京師酤酒冬十月以咸陽王坦為錄尚書事壬辰勃海王高歡西討敗于沙苑己酉西魏行臺官景壽都督楊白駒寇洛州大都督韓賢大破之西魏又遣其大行臺元季海大都督獨孤信逼洛州刺史廣陽王湛棄城歸闕季海信遂據金墉十一月景子以驃騎大將軍儀同三司万俟普為太尉十二月甲寅梁人來

聘河間人邢磨納范陽人盧仲禮等各聚衆反是歲高麗
蠕蠕並遣使朝貢

元象元年春正月辛酉朔日有蝕之有巨象自至碭郡陂
中南兗州獲送于鄴丁卯大赦改元二月景辰遣兼散騎
常侍鄭伯猷聘于梁夏四月庚寅曲赦畿內開酒禁六月
壬辰帝幸華林都堂聽訟秋七月乙亥高麗遣使朝貢是
夏山東大水蝦蟆鳴于樹上秋八月辛卯大敗西魏于河
陰九月大都督賀拔仁擊邢磨納盧仲禮等破平之冬十
月梁人來聘十二月庚寅遣陸操聘于梁

興和元年春正月辛酉以尚書令孫騰爲司徒三月甲寅

朔封常山郡王劭第二子曜爲陳郡王五月甲戌立皇后
高氏乙亥大赦是月高麗遣使朝貢六月乙酉以尚書左
僕射司馬子如爲山東黠陟大使尋爲東北道行臺差選
勇士庚寅前潁州刺史奚思業爲河南大使簡發勇士丁
酉梁人來聘戊申開府儀同三司汝陽王暹薨秋八月壬
辰遣兼散騎常侍王元景聘于梁九月甲子發畿內十萬
人城鄴四十日罷辛未曲赦畿內死罪已下各有差冬十
一月癸亥以新宮成大赦改元八十已上賜綾帽及杖七
十旁無耆親及有疾廢者各賜粟帛築城之夫給復一年
二年春正月壬申以太保尉景爲太傅以驃騎大將軍開

府儀同三司庫狄干爲太保丁丑徙御新宮大赦內外百
官普進一階營構主將別優一階三月乙卯梁人來聘夏
五月己酉西魏行臺宮延和陝州刺史宮元慶率戶內屬
置之河北馬場振廩各有差壬子遣兼散騎常侍李象聘
于梁閏月丁丑朔日有蝕之己丑封皇兄景植爲宜陽王
皇弟威爲清河王謙爲潁川王六月壬子大司馬華山王
鷲薨冬十月丁未梁人來聘十二月乙卯遣兼散騎常侍
崔長謙聘於梁是歲高麗蠕蠕勿吉並遣使朝貢

三年春二月甲辰阿至羅出吐拔那渾大率部來降三月
乙酉梁州人公孫貴賓聚衆反自號天王陽夏鎮將討禽

之夏四月戊申阿至羅國主副伏羅越君子去賓來降封
為高車王六月乙丑梁人來聘秋七月己卯宜陽王景植
薨八月甲子遣兼散騎常侍李騫聘於梁先是詔羣官於
麟趾閣議定新制冬十月甲寅班於天下己巳發夫五萬
人築漳濱堰三十五日罷癸亥車駕狩于西山十一月戊
寅還宮景戌以開府儀同三司彭城王韶為太尉以度支
尚書胡僧敬為司空是歲蠕蠕高麗勿吉國並遣使朝貢
四年春正月景辰梁人來聘夏四月景寅遣兼散騎常侍
李繪聘于梁乙酉以侍中廣陽王湛為太尉以尚書右僕
射高隆之為司徒以太尉彭城王韶為錄尚書事丁亥太

傳尉景坐事降為驃騎大將軍開府儀同三司辛卯以太
保庫狄干為大傅以領軍將軍婁昭為大司馬封祖襲為
尚書右僕射六月景申復前侍中樂良王忠爵丁酉復陳
留王景皓常山王紹宗高密王永業爵秋八月庚戌以開
府儀同三司吏部尚書侯景為兼尚書僕射河南行臺隨
機討防冬十月甲寅梁人來聘十一月壬午驃騎大將軍
開府儀同三司青州刺史西河王棕薨十二月辛亥使兼
散騎常侍陽斐使于梁是歲蠕蠕高麗吐谷渾並遣使朝
貢

武定元年春正月壬戌朔大赦改元己巳車駕蒐于邯鄲

之西山癸酉還宮二月壬申北豫州刺史高仲密據武牢
西叛三月景午帝親納訟戊申勃海王高歡大敗西魏師
于邙山追奔至恒農而還豫洛二州平夏四月封彭城王
韶弟襲爲武安王五月壬辰以剋復武牢降天下死罪已
下囚乙未以吏部尚書侯景爲司空六月乙亥梁人來聘
戊寅封前負外散騎侍郎元長春爲南郡王八月乙丑以
汾州刺史斛律金爲大司馬壬午遣兼散騎常侍李渾聘
于梁冬十一月甲午車駕狩于西山乙巳還宮是歲吐谷
渾高麗蠕蠕並遣使朝貢

二年春二月丁卯徐州人劉烏黑聚衆反遣行臺慕容紹

宗討平之三月梁人來聘以旱故宥死罪已下囚景午以
開府儀同三司孫騰爲太保壬子以勃海王世子高澄爲
大將軍領中書監元弼爲錄尚書事以尚書左僕射司馬
子如爲尚書令以太原公高洋爲左僕射夏五月甲午遣
散騎常侍魏季景聘于梁丁酉太尉廣陽王湛薨秋八月
癸酉尚書令司馬子如坐事免九月甲申以開府儀同三
司濟陰王暉業爲太尉太師咸陽王坦坐事免以王還第
冬十月丁巳太保孫騰大司馬高隆之各爲括戶大使凡
獲逃戶六十餘萬十一月西河地陷有火出甲申以司徒
高隆之爲尚書令以前大司馬婁昭爲司徒庚子祀圓丘

辛丑梁人來聘是歲吐谷渾地豆干室章高麗蠕蠕勿吉等並遣使朝貢

三年春正月景申遣兼散騎常侍李璽聘于梁二月庚申吐谷渾國奉其從妹以備後庭納爲容華嬪夏五月甲辰大赦秋七月庚子梁人來聘冬十月遣中書舍人尉瑾聘于梁十二月以司空侯景爲司徒以中書令韓軌爲司空戊子以太保孫騰爲錄尚書事是歲高麗吐谷渾蠕蠕並遣使朝貢

四年夏五月壬寅梁人來聘六月庚子以司徒侯景爲河南大行臺應機討防秋七月壬寅遣兼散騎常侍元廓聘

千梁八月移洛陽漢魏石經于鄴是歲室韋勿吉地豆干
高麗蠕蠕並遣使朝貢

五年春正月己亥朔日有蝕之景午勃海王高歡薨辛亥
司徒侯景降于西魏以求救西魏遣其將李弼王思政赴
之思政等入據潁川景乃出走豫州乙丑梁人來聘二月
侯景復背西魏歸梁夏四月壬申大將軍高澄來朝甲午
遣兼散騎常侍李緯聘于梁五月丁酉朔大赦戊戌以尚
書右僕射襄城王旭為太尉甲辰以太原公高洋為尚書
令領中書監以青州刺史尉景為大司馬以開府儀同三
司庫狄干為太師以錄尚書事孫騰為太傅以汾州刺史

賀拔仁爲太保以司空韓軌爲司徒以領軍將軍可朱渾
道元爲司空以司徒高隆之錄尚書事以徐州刺史慕容
紹宗爲尚書左僕射高陽王斌爲右僕射戊午大司馬尉
景夔六月乙酉帝爲勃海王舉哀於東堂服總衰秋九月
辛丑梁貞陽侯蕭明寇徐州堰泗水於寒山灌彭城以應
侯景冬十一月乙酉以尚書左僕射慕容紹宗爲東南道
行臺與大都督高岳潘相樂大破禽之及其二子瑀道十
二月乙亥蕭明至帝御闔闔門讓而宥之岳等迴師討侯
景是歲高麗勿吉並遣使朝貢

六年春正月己亥大都督高岳等於渦陽大破侯景俘斬

五萬餘人其餘溺死於渦水水爲不流景走淮南二月已卯梁遣使求和許之三月癸巳以太尉襄城王旭爲大司馬以開府儀同三司高岳爲太尉辛亥以冬春亢旱赦罪人各有差夏四月甲子吏部令史張永和青州人崔閼等僞假人官事覺亂檢首者六萬餘人甲戌太尉高岳司徒韓軌大都督劉豐等討王思政於潁川引洧水灌其城九月乙酉梁人來聘冬十月戊申侯景濟江推梁臨賀王正德爲主以攻建業是歲高麗至章蠕蠕吐谷渾並遣使朝貢

七年春正月戊辰梁北徐州刺史中山侯蕭正表以鎮內

附封蘭陵郡公吳郡王三月丁卯侯景剋建業夏五月景
辰侯景殺梁武帝戊寅勃海王高澄帥師赴潁川六月剋
之獲西魏大將軍王思政等秋八月辛卯立皇子長仁爲
太子盜殺勃海王高澄癸巳大赦內外百官並進二級甲
午太原公高洋如晉陽冬十月癸未以開府儀同三司咸
陽王坦爲太傅甲午以開府儀同三司潘相樂爲司空十
二月甲辰吳郡王蕭正表薨己酉以并州刺史彭樂爲司
徒是歲蠕蠕地豆干室韋高麗吐谷渾並遣使朝貢
八年春正月辛酉帝爲勃海王高澄舉哀於東堂戊辰詔
太原公高洋嗣事徙封齊郡王甲戌地豆干契丹並遣使

朝貢二月庚寅以尚書令高隆之爲太保三月庚申進齊
郡王高洋爵爲齊王夏四月乙巳蠕蠕遣使朝貢五月甲
寅詔齊王爲相國總百揆備九錫之禮以齊國太妃爲王
太后王妃爲王后景辰遜帝位於齊

天保元年己未封帝爲中山王邑一萬戶上書不稱臣答
不稱詔載天子旌旗行魏正朔乘五時副車封王諸子爲
縣公邑各千戶奉絹一萬疋錢一萬貫粟二萬石奴婢
三百人水碾一具田百頃園一所於中山國立魏宗廟
二年十二月己酉中山王殂時年二十八

三年二月奉謚曰孝靜皇帝葬於鄴西漳北其後發之陵

崩死者六十人帝好文美容儀力能挾石師子以踰墻射
無不中嘉辰宴會多命羣臣賦詩從容沉雅有孝文風勃
海王高澄嗣事甚忌焉以大將軍中兵參軍崔季舒爲中
書黃門侍郎令監察動靜小大皆令季舒知澄與季舒書
曰癡人復何似癡勢小差未帝嘗與獵於鄴東馳逐如飛
監衛都督烏那羅受工伐從後呼帝曰天子莫走馬大將
軍怒澄嘗侍帝飲大舉觴曰臣澄勸陛下帝不悅曰自古
無不亡之國朕亦何用此活澄怒曰朕朕狗脚朕澄使季
舒歐帝三拳奮衣而出明日澄使季舒勞帝帝亦謝焉賜
絹季舒未敢受以啓澄澄使取一段帝東百疋以與之曰

亦一段爾帝不堪憂辱詠謝靈運詩曰韓亡子房奮秦帝
魯連恥本自江海人志義動君子常侍侍講荀濟知帝意
乃與華山王大器元瑾密謀於宮中偽爲山而作地道向
北城至千秋門門者覺地下響動以告澄澄勒兵入宮曰
陛下何意反耶臣父子功存社稷何負陛下耶及將殺諸
妃嬪帝正色曰王自欲反何關於我我尚不惜身何況妃
嬪澄下牀叩頭大啼謝罪於是酣飲夜久乃出居三日幽
帝於含章堂天器瑾等皆見烹於市及將禪位於文宣襄
城王昶及司徒潘相樂侍中張亮黃門郎趙彥深等求入
奏事帝在昭陽殿見之昶曰五行遯運有始有終齊王聖

德欽明萬姓歸仰臣等昧死聞奏願陛下則堯禪舜帝便
殷容荅曰此事推挹已久謹當遜避又云若介須作詔書
侍郎崔劼裴讓之奏云詔已作訖即付楊愔進於帝凡十
條書訖曰將安朕何所復若爲而去楊愔對曰在北城別
有館宇還備法駕依常仗衛而去帝乃下御座步就東廊
口詠范蔚宗後漢書贊云獻生不辰身播國屯終我四百
永作虞賓所司奏請發帝曰古人念遺簪弊履欲與六宮
別可乎高隆之曰今天下猶陛下之天下況在後宮乃與
夫人嬪以下訣莫不欷歔掩涕嬪趙國李氏誦陳思王詩
云王其愛玉體俱享黃髮期皇后已下皆哭直長趙德以

故犢車一乘候於東上閤帝上車德超上車持帝帝肘之
曰朕畏天順人授位相國何物奴敢逼人趙德尚不下及
出雲龍門王公百寮衣冠拜辭帝曰今日不減常道鄉公
漢獻帝衆皆悲愴高隆之泣灑遂入北城下司馬子如南
宅及文宣行幸常以帝自隨帝后封太原公主常為帝嘗
食以護視焉競遇酖而崩

論曰莊帝運接交喪招納勤王雖時事孔棘而卒有四海
猾逆前力除權強擅命神慮獨斷芒刺未除而天未忘亂禍
不旋踵自茲之後魏室土崩始則制屈強胡終乃權歸霸
政主祭祀者不殊於寄坐遇黜辱者有甚於亦基雖以節

閔之明孝武之長祗以速是奔波文帝以剛強之質終以
守雌自寶靜恭運終天祿高蹈唐虞各得其時也

魏本紀第五

北史五

方洽周益周己千孫粹然校正